

का हिं नौ

কাহিনী

রবীন্দ্রনাথ ঠাকুর



বিশ্বভারতী গ্রন্থনবিভাগ
কলিকাতা

প্রকাশ ২৪ ফাল্গুন ১৩০৬

পুনর্মুদ্রণ আষাঢ় ১৩৪২, শ্রাবণ ১৩৪৩, শ্রাবণ ১৩৪৪, শ্রাবণ ১৩৪৭

ফাল্গুন ১৩৪৯, ফাল্গুন ১৩৫১, কার্তিক ১৩৫৬, আশ্বিন ১৩৬২

শ্রাবণ ১৩৬৫, মাঘ ১৩৬৬, আশ্বিন ১৩৬৮, আষাঢ় ১৩৬৯

জ্যৈষ্ঠ ১৩৭০, ভাদ্র ১৩৭৪, ফাল্গুন ১৩৭৬

আষাঢ় ১৩৮০ : ১৮৯৫ শক

© বিশ্বভারতী ১৯৭৩

২০৬১১ / ৫৩
WEST BENGAL
CALCUTTA
২৪.১২.৭৩

প্রকাশক রণজিৎ রায়

বিশ্বভারতী । ১০ প্রিটোরিয়া স্ট্রীট । কলিকাতা ১৬

মুদ্রক শ্রীসিদ্ধার্থ মিত্র

বোধি প্রেস । ৫ শঙ্কর ঘোষ লেন । কলিকাতা ৬

সূচীপত্র

	পৃষ্ঠা
পতিতা	৯
ভাষা ও ছন্দ	২১
গান্ধারীর আবেদন	২৬
সতী	৫৩
নরকবাস	৬৮
কর্ণকুন্তী-সংবাদ	৮০
লক্ষ্মীর পরীক্ষা	৯৩

কাহিনী'র ১৩৬২ বঙ্গাব্দের মুদ্রণে 'পতিতা' ও 'ভাষা ও ছন্দ' এই দুটি কবিতাকে গ্রন্থের প্রথমে স্থান দিয়া নাট্য-কবিতাগুলি পরে সাজানো হয় এবং 'লক্ষ্মীর পরীক্ষা' -শীর্ষক কোতুকনাট্য সর্বশেষে। এ বিষয়ে মুখ্যতঃ ১৯১৫ খৃষ্টাব্দে ইণ্ডিয়ান প্রেস-কর্ডক প্রকাশিত পঞ্চমখণ্ড কাব্য-গ্রন্থের অনুসরণ করা হইয়াছে।

সাদর উৎসর্গ

শ্রীল শ্রীযুক্ত রাধাকিশোর দেবযানিক্য

মহারাজ ত্রিপুরেশ্বর

-করকমলে

২০ ফাল্গুন

১৩০৬

পতিতা

ধন্য তোমাতে হে রাজমন্ত্রী,

চরণপদে নমস্কার ।

লও ফিরে তব স্বর্ণমুদ্রা,

লও ফিরে তব পুরস্কার ।

ঋষিশৃঙ্গ ঋষিরে ডুলাতে

পাঠাইলে বনে যে কয়জন

সাজায়ে যতনে ভূষণে রতনে,

আমি তারি এক বারাদনা ।

দেবতা ঘুমালে আমাদের দিন,

দেবতা জাগিলে মোদের রাতি—

ধরার নরকসিংহদুয়ারে

আলাই আমরা সন্ধ্যাবাতি ।

তুমি অমাত্য রাজসভাসদ,

তোমার ব্যাবসা ঘৃণ্যতর,

সিংহাসনের আড়ালে বসিয়া

মানুষের ফাঁদে মানুষ ধর !

আমি কি তোমার গুপ্ত অস্ত্র ?

হৃদয় বলিয়া কিছু কি নেই ?

ছেড়েছি ধরম, তা বলে ধরম

ছেড়েছে কি মোরে একেবারেই ?

নাহিকো করম, লজ্জা শরম,

জানি নে জনমে সতীর প্রথা—

তা বলে নারীর নারীত্বটুকু
 ছুঁলে যাওয়া, সে কি কথার কথা !

সে যে তপোবন, স্বচ্ছ পবন,
 অদূরে স্নানীল শৈলমালা,
 কলগান করে পুণ্য তটিনী—
 সে কি নগরীর নাট্যশালা !
 মনে হল সেথা অন্তরগানি
 বৃকের বাহিরে বাহিরি আসে ।
 ওগো বনভূমি, মোরে ঢাকো তুমি
 নবনির্মল শ্যামল বাসে ।
 অগ্নি উজ্জ্বল উদার আকাশ,
 লজ্জিত জনে করুণা ক'রে
 তোমার সহজ অমলতাখানি
 শত পাকে ঘেরি পরাও মোরে ।

স্থান আমাদের রুদ্ধ নিলয়ে
 প্রদীপের-পীত-আলোক-আলা,
 যেথায় ব্যাকুল বন্ধ বাতাস
 ফেলে নিশ্বাস হতাশ-ঢালা ।
 রতননিকরে কিরণ ঠিকরে,
 মুকুতা বলকে অলকপাশে,

মদির শীকর-সিক্ত আকাশ

খন হয়ে যেন ঘেরিয়া আসে ।

মোরা গাঁথা মালা প্রমোদরাতের—

গেলে প্রভাতের পুষ্পবনে

লাঞ্জে স্নান হয়ে মরে ঝরে যাই,

মিশাবারে চাই মাটির সনে ।

তবু, তবু ওগো কুসুমভগিনী,

এবার বুঝিতে পেরেছি মনে,

ছিল ঢাকা সেই বনের গন্ধ

অগোচরে কোন্ প্রাণের কোণে ।

সেদিন নদীর নিকষে অরুণ

আঁকিল প্রথম সোনার লেখা,

স্নানের লাগিয়া তরুণ তাপস

নদীতীরে ধীরে দিলেন দেখা ।

পিঙ্গল জটা ঝলিছে ললাটে

পূর্ব-অচলে উষার মতো—

তনু দেহখানি জ্যোতির লতিকা,

জড়িত স্নিগ্ধ তড়িৎশত ।

মনে হল, মোর নবজনমের

উদয়শৈল উজল করি

শিশিরধৌত পরম প্রভাত

উদিল নবীন জীবন ভরি ।

তরুণীরা মিলি তরুণী বাহিয়া
 পঞ্চম সুরে ধরিল গান—
 ঋষির কুমার মোহিত চকিত
 যুগশিশুসম পাতিল কান ।
 সহসা সকলে ঝাঁপ দিয়া জলে
 মুনিবালকেরে ফেলিয়া ফাঁদে
 ডুজে ডুজে বাধি ঘিরিয়া ঘিরিয়া
 নৃত্য করিল বিবিধ ছাঁদে ।
 নুপুরে নুপুরে দ্রুত তালে তালে
 নদীজলতলে বাজিল শিলা—
 ভগবান ভানু রক্তনয়নে
 হেরিলা নিলাজ নিঠুর লীলা ।

প্রথমে চকিত দেবশিশুসম
 চাহিলা কুমার কোতূহলে—
 কোথা হতে যেন অজানা আলোক
 পড়িল তাঁহার পথের তলে ।
 দেখিতে দেখিতে ভক্তিকিরণ
 দীপ্তি সঁপিল শুভ্র ভালে—
 দেবতার কোন্ নূতন প্রকাশ
 হেরিলেন আজি প্রভাতকালে ।
 বিমল বিশাল বিস্তৃত চোখে
 হুটি শুকতারা উঠিল ফুটি—

বন্দনাগান রচিলা কুমার

জোড় করি করকমল দুটি ।

করণ কিশোর কোকিলকণ্ঠে

সুধার উৎস পড়িল টুটে,

স্থির তপোবন শান্তিমগন

পাতায় পাতায় শিহরি উঠে ।

যে গাথা গাহিলা সে কখনো আর

হয় নি রচিত নারীর তরে,

সে শুধু শুনেছে নির্মলা উষা

নির্জনগিরিশিখর-'পরে ।

সে শুধু শুনেছে নীরব সন্ধ্যা

নীলনির্বাক সিন্ধুতলে ।

শুনে গ'লে যায় আর্দ্র হৃদয়

শিশিরশীতল অশ্রুজলে ।

হাসিয়া উঠিল পিশাচীর দল

অঞ্চলতল অধরে চাপি ।

ঈষৎ ত্রাসের তড়িৎ-চমক

ঋষির নয়নে উঠিল কাঁপি ।

ব্যথিত চিন্তে স্থবির চরণে

করজোড়ে পাশে দাঁড়ানু আসি—

কহিনু, 'হে মোর প্রভু তপোধন,

চরণে আগত অধম দাসী ।'

তীরে লয়ে তাঁরে, সিক্ত অঙ্গ
 মুহানু আপন পটুবাগে—
 জানু পাতি বসি যুগলচরণ
 মুছিয়া লইনু এ কেশপাশে ।
 তার পরে মুখ তুলিয়া চাহিনু
 উর্ধ্বমুখীন ফুলের মতো—
 তাপসকুমার চাহিলা আমার
 মুখপানে করি বদন নত ।
 প্রথম-রমণী-দরশ-মুখ
 সে ছুটি সরল নয়ন হেরি
 হৃদয়ে আমার নারীর মহিমা
 বাজায় উঠিল বিজয়ভেরী ।
 ধন্য রে আমি, ধন্য বিধাতা
 সৃষ্টিছ আমারে রমণী করি ।
 তাঁর দেহময় উঠে মোর জয়,
 উঠে জয় তাঁর নয়ন ভরি ।
 জননীর স্নেহ, রমণীর দয়া,
 কুমারীর নব নীরব প্রীতি—
 আমার হৃদয়বীণার তন্ত্রে
 বাজায় তুলিল মিলিত গীতি ।
 কহিলা কুমার চাহি মোর মুখে,
 ‘কোন্ দেব আজি আনিলে দিবা !
 তোমার পরশ অমৃত সরস,
 তোমার নয়নে দিব্য বিত্তা ।’

হেসো না মন্ত্রী, হেসো না, হেসো না,
 ব্যথায় বিধো না ছুরির ধার—
 ধূলিলুষ্ঠিতা অবমানিতারে
 অবমান তুমি কোরো না আর ।
 মধুরাতে কত মুগ্ধহৃদয়
 স্বর্গ মেনেছে এ দেহখানি—
 তখন শুনেছি বহু চাটুকথা,
 শুনি নি এমন সত্যবাণী ।
 সত্য কথা এ, কহিনু আবার,
 স্পর্ধা আমার কভু এ নহে—
 ঋষির নয়ন মিথ্যা হেরে না,
 ঋষির রসনা মিছে না কহে ।
 বৃদ্ধ, বিষয়বিষজর্জর,
 হেরিছ বিশ্ব বিধার ভাবে,
 নগরীর ধূলি লেগেছে নয়নে—
 আমারে কি তুমি দেখিতে পাবে !
 আমিও দেবতা, ঋষির আঁখিতে
 এনেছি বহিষা নূতন দিবা—
 অমৃতসরস আমার পরশ,
 আমার নয়নে দিব্য বিভা ।
 আমি শুধু নহি সেবার রমণী
 মিটাতে তোমার লালসাকুধা,
 তুমি যদি দিতে পূজার অর্থ্য
 আমি সঁপিতাম স্বর্গসুধা ।

দেবতারে মোর কেহ তো চাহে নি,
 নিয়ে গেল সবে মাটির ঢেলা—
 দূরদূর্গম মনোবনবাসে
 পাঠাইল তাঁরে করিয়া হেলা ।
 সেইখানে এল আমার তাপস,
 সেই পথহীন বিজন গেহ—
 স্তব্ধ নীরব গহন গভীর
 যেথা কোনোদিন আসে নি কেহ ।
 সাধকবিহীন একক দেবতা
 ঘুমাতেছিলেন সাগরকূলে—
 ঋষির বালক পুলকে তাঁহারে
 পূজিলা প্রথম পূজার ফুলে ।
 আনন্দে মোর দেবতা জাগিল,
 জাগে আনন্দ ভকতপ্রাণে—
 এ বারতা মোর দেবতা তাপস
 দৌঁছে ছাড়া আর কেহ না জানে ।

কহিলা কুমার চাহি মোর মুখে,
 ‘আনন্দময়ী মুরতি তুমি,
 ফুটে আনন্দ বাহতে তোমার,
 ছুটে আনন্দ চরণ চুমি ।’
 শুনি সে বচন, হেরি সে নয়ন,
 ছুই চোখে মোর ঝরিল বারি ।

নিমেষে ধৌত নির্মল রূপে
 বাহিরিয়া এল কুমারী নারী ।
 বহুদিন মোর প্রমোদনিশীথে
 যত শত দীপ জলিয়াছিল,
 দূর হতে দূরে, এক নিশ্বাসে
 কে যেন সকলি নিবায়ে দিল ।
 প্রভাত-অরুণ ভায়ের মতন
 সঁপি দিল কর আমার কেশে,
 আপনার করি নিল পলকেই
 মোরে তপোবন-পবন এসে ।

মিথ্যা তোমার জটিল বুদ্ধি—
 বুদ্ধ, তোমার হাসিরে ধিক্ ।
 চিত্ত তাহার আপনার কথা
 আপন মর্মে ফিরায়ে নিক ।
 তোমার পামরী পাপিনীর দল
 তারাও অমনি হাসিল হাসি—
 আবেশে বিলাসে, ছলনার পাশে
 চারি দিক হতে ঘেরিল আসি ।
 বসনাঞ্চল লুটায় ভূতলে,
 বেণী খসি পড়ে কবরী টুটি—
 ফুল ছুঁড়ে ছুঁড়ে মারিল কুমারে
 লীলায়িত করি হস্ত দুটি ।

হে মোর অমল কিশোর তাপস,
 কোথায় তোমাতে আড়ালে রাখি !
 আমার কাতর অন্তর দিয়ে
 ঢাকিবারে চাই তোমার আঁখি ।
 হে মোর প্রভাত, তোমাতে ঘেরিয়া
 পারিতাম যদি দিতাম টানি
 উষার রক্ত মেঘের মতন
 আমার দীপ্ত শরমখানি ।
 ও আহুতি তুমি নিয়ো না, নিয়ো না,
 হে মোর অনল, তপের নিধি—
 আমি হয়ে ছাই তোমাতে লুকাই
 এমন ক্ষমতা দিল না বিধি !
 ধিক্ রমণীয়ে, ধিক্ শতবার,
 হতলাজ বিধি তোমাতে ধিক্ !
 রমণীজাতির ধিকারগানে
 ধ্বনিয়া উঠিল সকল দিক ।
 ব্যাকুল শরমে অসহ ব্যথায়
 লুটায়ে ছিন্নলতিকাসমা
 কহিলু তাপসে, 'পুণ্যচরিত,
 পাতকিনীদের করিয়ে ক্ষমা ।
 আমায়ে ক্ষমিয়ে, আমায়ে ক্ষমিয়ে,
 আমায়ে ক্ষমিয়ে করুণানিধি !'
 হরিণীর মতো ছুটে চলে এনু
 শরমের শর মর্মে বিঁধি ।

কাঁদিয়া কহিনু কাতরকণ্ঠে,
 ‘আমারে কুমিয়ো পুণ্যরাশি !’
 চপলভঞ্জে লুটায়ৈ রঞ্জে
 পিশাচীরা পিছে উঠিল হাসি ।
 ফেলি দিল ফুল মাথায় আমার
 তপোবনতরু করুণা মানি,
 দূর হতে কানে বাজিতে লাগিল
 বাঁশির মতন মধুর বাণী—
 ‘আনন্দময়ী মুরতি তোমার,
 কোন্ দেব তুমি আনিলে দিবা !
 অমৃতসরস তোমার পরশ,
 তোমার নয়নে দিবা বিভা ।’
 দেবতারে তুমি দেখেছ, তোমার
 সরল নয়ন করে নি ভুল ।
 দাও মোর মাথে, নিয়ে যাই সাথে
 তোমার হাতের পূজার ফুল ।
 তোমার পূজার গন্ধ আমার
 মনোমন্দির ভরিয়া রবে—
 সেখায় ছুয়ার কুধিনু এবার
 যতদিন বেঁচে রহিব ভবে ।

মন্ত্রী, আবার সেই বাঁকা হাসি ?
 নাহয় দেবতা আমাতে নাই—

মাটি দিয়ে তবু গড়ে তো প্রতিমা,
 সাধকেরা পূজা করে তো তাই ।
 একদিন তার পূজা হয়ে গেলে
 চিরদিন তার বিসর্জন,
 খেলার পুতলি করিয়া তাহারে
 আর কি পূজিবে পৌরজন !
 পূজা যদি মোর হয়ে থাকে শেষ
 হয়ে গেছে শেষ আমার খেলা—
 দেবতার লীলা করি সমাপন
 জলে ঝাঁপ দিবে মাটির ঢেলা ।
 হাসো হাসো তুমি হে রাজমন্ত্রী,
 লয়ে আপনার অহংকার—
 ফিরে লও তব স্বর্ণমুদ্রা,
 ফিরে লও তব পুরস্কার ।
 বহু কথা বৃথা বলেছি তোমায়,
 তা লাগি হৃদয় ব্যাধিছে মোরে,
 অধম নারীর একটি বচন
 রেখো হে প্রাজ্ঞ স্মরণ ক'রে—
 বুদ্ধির বলে সকলি বুঝেছ,
 দু-একটি বাকি রয়েছে তবু,
 দৈবে যাহারে সহসা বুঝায়
 সে ছাড়া সে কেহ বোঝে না কভু ।

ভাষা ও ছন্দ

যেদিন হিমাদ্রিশৃঙ্গে নামি আসে আসন্ন আষাঢ়,
 মহানদ ব্রহ্মপুত্র অকস্মাৎ হৃদায় হ্রবার
 হৃঃসহ অন্তরবেগে তীরতরু করিয়া উন্মূল
 মাতিয়া ধুঁজিয়া ফিরে আপনার কুল-উপকুল,
 তট-অরণ্যের তলে তরঙ্গের ডম্বরু বাজিয়ে
 ক্ষিপ্ত ধূর্জটির প্রায়, সেইমত বনানীর ছায়ে
 স্বচ্ছ শীর্ণ ক্ষিপ্ৰগতি শ্রোতস্বতী তমসার তীরে
 অপূর্ব উদ্বেগভরে সঙ্গীহীন ভ্রমিছেন ফিরে
 মহর্ষি বাস্মীকি কবি— রক্তবেগতরঙ্গিত-বুকে
 গস্তীর জলদমস্ত্রে বারম্বার আবর্তিয়া মুখে
 নব ছন্দ ; বেদনায় অন্তর করিয়া বিদারিত
 মুহূর্তে নিল যে জন্ম পরিপূর্ণ বাণীর সংগীত
 তারে লয়ে কী করিবে, ভাবে মুনি কী তার উদ্দেশ—
 তরুণ গরুড় -সম কী মহৎ ক্ষুধার আবেশ
 পীড়ন করিছে তারে, কী তাহার হ্রস্ব প্রার্থনা,
 অমর বিহঙ্গশিশু কোন্ বিশ্বে করিবে রচনা
 আপন বিরাট নীড় !— অলৌকিক আনন্দের তার
 বিধাতা যাহারে দেয় তার বক্ষে বেদনা অপার,
 তার নিত্য জাগরণ ; অগ্নিসম দেবতার দান
 উর্ধ্বশিখা আলি চিন্তে অহোরাত্র দগ্ধ করে প্রাণ ।

অন্তে গেল দিনমণি । দেবর্ষি নারদ সঙ্ঘ্যাকালে

শাখাসুপ্ত পাখিদের সচকিয়া জটায়ুশিখালে,
 স্বর্গের নন্দনগন্ধে অসময়ে শ্রান্ত মধুকরে
 বিস্মিত ব্যাকুল করি উত্তরিলি তপোভূমি'পরে ।
 নমস্কার করি কবি শুধাইলা সঁপিয়া আসন,
 'কী মহৎ দৈবকার্যে, দেব, তব মর্তে আগমন ?'
 নারদ কহিলা হাসি, 'করুণার উৎসমুখে, মুনি,
 যে ছন্দ উঠিল উর্ধ্বে ব্রহ্মলোকে ব্রহ্মা তাহা শুনি
 আমারে কহিলা ডাকি, 'যাও তুমি তমসার তীরে,
 বাণীর বিদ্যুৎ-দীপ্ত ছন্দোবাণ-বিদ্ধ বাণীকিরে
 বারেক শুধায়ে এসো, বোলো তারে, ওগো ভাগ্যবান্,
 এ মহাসংগীতধন কাহারে করিবে তুমি দান ?
 এই ছন্দে গাঁথি লয়ে কোন্ দেবতার যশঃকথা
 স্বর্গের অমরে কবি মর্তলোকে দিবে অমরতা ?'

কহিলেন শির নাড়ি ভাবোন্মত্ত মহামুনিবর,
 'দেবতার সামগীতি গাহিতেছে বিশ্বচরাচর,
 ভাষাশূন্য, অর্থহারা । বহি উর্ধ্বে মেলিয়া অঙ্গুলি
 ইঙ্গিতে করিছে স্তব ; সমুদ্র তরঙ্গবাহ তুলি
 কী কহিছে স্বর্গ জানে ; অরণ্য উঠায়ে লক্ষ শাখা
 মর্মরিছে মহামন্ত্র, ঝটিকা উড়ায়ে রুদ্র পাখা
 গাহিছে গর্জনগান ; নক্ষত্রের অক্ষৌহিনী হতে
 অরণ্যের পতঙ্গ অবধি মিলাইছে এক স্রোতে
 সংগীতের তরঙ্গিনী বৈকুণ্ঠের শান্তিসিদ্ধু-পারে ।
 মানুষের ভাষাটুকু অর্থ দিয়ে বদ্ধ চারি ধারে

ঘুরে মানুষের চতুর্দিকে । অবিরত রাত্রিদিন
 মানবের প্রয়োজনে প্রাণ তার হয়ে আসে ক্ষীণ ।
 পরিশ্রুট তত্ত্ব তার সীমা দেয় ভাবের চরণে ;
 ধূলি ছাড়ি একেবারে উর্ধ্বমুখে অনন্ত গগনে
 উড়িতে সে নাহি পারে সংগীতের মতন স্বাধীন
 মেলি দিয়া সপ্তসুর সপ্তপক্ষ অর্থভারহীন ।
 প্রভাতের শুভ্র ভাষা বাক্যহীন প্রত্যক্ষ কিরণ
 জগতের মর্মদ্বার মুহূর্তেকে করি উদ্ঘাটন
 নির্বারিত করি দেয় ত্রিলোকের গীতের ভাণ্ডার ;
 যামিনীর শান্তিবাণী ক্ষণমাত্রে অনন্ত সংসার
 আচ্ছন্ন করিয়া ফেলে, বাক্যহীন পরম নিষেধ
 বিশ্বকর্মকোলাহল মন্ত্রবলে করি দিয়া ভেদ
 নিমেষে নিবাসে দেয় সর্ব খেদ, সকল প্রয়াস,
 জীবলোক-মাঝে আনে মরণের বিপুল আভাস ;
 নক্ষত্রের ধ্রুব ভাষা অনির্বাণ অনলের কণা
 জ্যোতিষ্কের সূচীপত্রে আপনার করিছে সূচনা
 নিত্যকাল মহাকাশে ; দক্ষিণের সমীরের ভাষা
 কেবল নিশ্বাসমাত্রে নিকুঞ্জে জাগায় নব আশা,
 দুর্গমপল্লবদুর্গে অরণ্যের ঘন অস্তঃপুরে
 নিমেষে প্রবেশ করে, নিয়ে যায় দূর হতে দূরে
 ষৌবনের জয়গান— সেইমত প্রত্যক্ষ প্রকাশ
 কোথা মানবের বাক্যে, কোথা সেই অনন্ত আভাস,
 কোথা সেই অর্থভেদী অভ্রভেদী সংগীত-উচ্ছ্বাস,
 আত্মবিদারণকারী মর্মান্তিক মহান্ নিশ্বাস !

মানবের জীর্ণ বাক্যে মোর ছন্দ দিবে নব সুর,
 অর্থের বন্ধন হতে নিয়ে তারে যাবে কিছু দূর
 ভাবের স্বাধীন লোকে, পক্ষবান্ অশ্বরাজ-সম
 উদ্দাম-সুন্দর-গতি— সে আশ্বাসে ভাসে চিত্ত মম ।
 সূর্যেরে বহিয়া যথা ধায় বেগে দিব্য অগ্নিতরী
 মহাব্যোমনীলসিন্ধু প্রতিদিন পারাপার করি
 ছন্দ সেই অগ্নি-সম বাক্যে করে করিব সমর্পণ—
 যাবে চলি মর্তসীমা অবাধে করিয়া সন্তরণ,
 গুরুভার পৃথিবীতে টানিয়া লইবে উর্ধ্ব-পানে—
 কথারে ভাবের স্বর্গে, মানবেরে দেবপীঠস্থানে ।
 মহান্মুখি যেইমত ধ্বনিহীন স্তব্ধ ধরণীতে
 বাঁধিয়াছে চতুর্দিকে অন্তহীন নৃত্যগীতে ঘিরে,
 তেমনি আমার ছন্দ ভাষারে ঘেরিয়া আলিঙ্গনে
 গাবে যুগে যুগান্তরে সরল গম্ভীর কলম্বনে
 দিক হতে দিগন্তরে মহামানবের স্তবগান
 ক্ষণস্থায়ী নয়জন্মে মহৎ মর্ষাদা করি দান ।
 হে দেবর্ষি, দেবদূত, নিবেদিয়ে পিতামহ-পায়ে,
 স্বর্গ হতে যাহা এল স্বর্গে তাহা নিয়ো না ফিরায়ে ।
 দেবতার স্তবগীতে দেবেরে মানব করি আনে—
 তুলিব দেবতা করি মানুষেরে মোর ছন্দে গানে ।
 ভগবন্, ত্রিভুবন তোমাদের প্রত্যক্ষে বিরাজে—
 কহো মোরে, কার নাম অমর বীণার ছন্দে বাজে ।
 কহো মোরে, বীর্য কার ক্ষমারে করে না অতিক্রম,
 কাহার চরিত্র ঘেরি স্কন্ধে ধর্মের নিয়ম

ধরেছে সুন্দর কান্তি মাণিকোর অঙ্গদের মতো,
 মর্হৈশ্বৰ্যে আছে নম্র, মহাদৈত্তে কে হয় নি নত,
 সম্পদে কে থাকে ভয়ে, বিপদে কে একান্ত নির্ভীক,
 কে পেয়েছে সব চেয়ে, কে দিয়েছে তাহার অধিক,
 কে লয়েছে নিজ শিরে রাজভালে মুকুটের সম
 সবিনয়ে সর্গোরবে ধরা-মাঝে দুঃখ মহত্তম—
 কহো মোরে, সর্বদর্শী হে দেবর্ষি, তাঁর পুণ্য নাম ।’

নারদ কহিলা ধীরে, ‘অযোধ্যার রঘুপতি রাম ।’
 ‘জানি আমি, জানি তাঁরে, শুনেছি তাঁহার কীর্তিকথা ।’
 কহিলা বাল্মীকি, ‘তবু, নাহি জানি সমগ্র ভারতা,
 সকল ঘটনা তাঁর— ইতিবৃত্ত রচিব কেমনে ?
 পাছে সত্যভ্রষ্ট হই, এই ভয় জাগে মোর মনে ।’
 নারদ কহিলা হাসি, ‘সেই সত্য যা রচিবে তুমি—
 ঘটে যা তা সব সত্য নহে । কবি, তব মনোভূমি
 রামের জনমস্থান, অযোধ্যার চেয়ে সত্য জেনো ।’

এত বলি দেবদূত মিলাইল দিব্যস্বপ্ন-হেন
 সুদূর সপ্তর্ষিলোকে । বাল্মীকি বসিলা ধ্যানাগনে,
 তমসা রহিল মৌন, স্তব্ধতা জাগিল তপোবনে ।

গান্ধারীর আবেদন

দুর্যোধন

প্রণমি চরণে তাত !

ধৃতরাষ্ট্র

ওরে দুরাশয়,

অভীষ্ট হয়েছে সিদ্ধ ?

দুর্যোধন

লভিয়াছি জয় ।

ধৃতরাষ্ট্র

এখন হয়েছ সুখী ?

দুর্যোধন

হয়েছি বিজয়ী ।

ধৃতরাষ্ট্র

অখণ্ডরাজত্ব জিনি সুখ তোর কই,
রে দুর্মতি !

দুর্যোধন

সুখ চাহি নাই মহারাজ !

জয় ! জয় চেনেছিনু, জয়ী আমি আজ ।

ক্ষুদ্র সুখে ভরে নাকো কত্রিয়ের ক্ষুধা

কুরুপতি— দীপ্তালা অগ্নিালা সুধা

জয়রস, ঈর্ষাসিন্ধুমহনসজাত,

সদ্য করিয়াছি পান ; সুখী নহি, তাত,

অদ্য আমি জয়ী । পিতঃ, সুখে ছিনু, যবে

একত্রে আছিহু বন্ধ পাণ্ডবে কোঁরবে,
 কলঙ্ক যেমন থাকে শশাঙ্কের বুকে
 কর্মহীন গর্বহীন দীপ্তিহীন সুখে ।
 সুখে ছিহু, পাণ্ডবের গাণ্ডীবটংকারে
 শঙ্কাকুল শক্রদল আসিত না দ্বারে ।
 সুখে ছিহু, পাণ্ডবেরা জয়দৃশু করে
 ধরিত্রী দোহন করি ভ্রাতৃপ্রীতিভরে
 দিত অংশ তার— নিত্যানব ভোগসুখে
 আছিহু নিশ্চিন্তচিত্তে অনন্ত কোঁতুকে ।
 সুখে ছিহু, পাণ্ডবের জয়ধ্বনি যবে
 হানিত কোঁরবকর্ণ প্রতিধ্বনিরবে ।
 পাণ্ডবের যশোবিশ্বপ্রতিবিশ্ব আসি
 উজ্জ্বল অঙ্গুলি দিয়া দিত পরকাশি
 মলিন কোঁরবকঙ্ক । সুখে ছিহু, পিতঃ,
 আপনার সর্বতেজ করি নির্বাপিত
 পাণ্ডবগৌরবতলে স্নিগ্ধশান্তরূপে,
 হেমস্তের ভেক যথা জড়ত্বের কুপে ।
 আজি পাণ্ডুপুত্রগণে পরাভব বহি
 বনে যায় চলি— আজ আমি সুখী নহি,
 আজ আমি জয়ী ।

ধৃতরাষ্ট্র

ধিক্ তোঁর ভ্রাতৃদ্রোহ !

পাণ্ডবের কোঁরবের এক পিতামহ,
 সে কি ভুলে গেলি ?

কাহিনী

দুর্ধোখন

ভুলিতে পারি নে সে যে,

এক পিতামহ তবু ধনে মানে তেজে
 এক নহি । যদি হত দূরবর্তী পর
 নাহি ছিল ক্ষোভ ; শর্বরীর শশধর
 মধ্যাহ্নের তপনেরে ঘেঁষ নাহি করে,
 কিন্তু প্রাতে এক পূর্ব-উদয়শিখরে
 দুই ভ্রাতৃসূর্যালোক কিছুতে না ধরে ।
 আজ দ্বন্দ্ব ঘুচিয়াছে— আজি আমি জয়ী,
 আজি আমি একা ।

ধৃতরাষ্ট্র

ক্ষুদ্র ঈর্ষা ! বিষময়ী

ভুজঙ্গিনী !

দুর্ধোখন

ক্ষুদ্র নহে, ঈর্ষা স্তমহতী ।

ঈর্ষা বৃহত্তের ধর্ম । দুই বনস্পতি
 মধ্যে রাখে বাবধান— লক্ষ লক্ষ তৃণ
 একত্রে মিলিয়া থাকে বন্ধে বন্ধে লীন ।
 নক্ষত্র অসংখ্য থাকে সৌভ্রাত্ৰবন্ধনে—
 এক সূর্য, এক শশী । মলিন কিরণে
 দূর বন-অন্তরালে পাণ্ডুচন্দ্রলেখা
 আজি অন্ত গেল— আজি কুরুসূর্য একা,
 আজি আমি জয়ী ।

ধৃতরাষ্ট্র

আজি ধর্ম পরাজিত ।

দুর্যোধন

লোকধর্ম রাজধর্ম এক নহে পিতঃ !
লোকসমাজের মাঝে সমকক্ষ জন
সহায়সুহৃদরূপে নির্ভরবন্ধন—
কিন্তু রাজা একেশ্বর ; সমকক্ষ তার
মহাশত্রু, চিরবিঘ্ন, স্থান হুশ্চিন্তার,
সম্মুখের অন্তরাল, পশ্চাতের ভয়,
অহর্নিশি যশঃশক্তিগৌরবের ক্ষয়,
ঐশ্বৰ্যের অংশ-অপহারী । ক্ষুদ্র জনে
বলভাগ ক'রে লয়ে বান্ধবের সনে
রহে বলী ; রাজদণ্ড যত খণ্ড হয়
তত তার দুর্বলতা, তত তার ক্ষয় ।
একা সকলের উর্ধ্বে মস্তক আপন
যদি না রাখিবে রাজা, যদি বহুজন
বহুদূর হতে তাঁর সমুদ্রত শির
নিত্য না দেখিতে পায় অব্যাহত স্থির,
তবে বহুজন-'পরে বহুদূরে তাঁর
কেমনে শাসনদৃষ্টি রহিবে প্রচার ?
রাজধর্মে ভ্রাতৃধর্ম বন্ধুধর্ম নাই—
শুধু জয়ধর্ম আছে, মহারাজ, তাই
আজি আমি চরিচার্য, আজি জয়ী আমি—

কাহিনী

সম্মুখের ব্যবধান গেছে আজি আমি
পাণ্ডবগৌরবগিরি পঞ্চচূড়াময় ।

ধৃতরাষ্ট্র

জিনিয়া কপট দ্যুতে তারে কোস্ জয় ?
লজ্জাহীন অহংকারী !

ছর্ষোধন

যার যাহা বল

তাই তার অস্ত্র পিতঃ, যুদ্ধের সম্বল ।
ব্যায়সনে নখে দস্তে নহিকো সমান,
তাই ব'লে ধনুঃশরে বধি তার প্রাণ
কোন্ নর লজ্জা পায় ? মুঢ়ের মতন
ঝাঁপ দিয়ে মৃত্যুমাঝে আত্মসমর্পণ
যুদ্ধ নহে, জয়লাভ এক লক্ষ্য তার—
আজি আমি জয়ী পিতঃ, তাই অহংকার ।

ধৃতরাষ্ট্র

আজি তুমি জয়ী তাই তব নিন্দাধ্বনি
পরিপূর্ণ করিয়াছে অশ্বর অবনী
সমুচ্চ ধিকারে ।

ছর্ষোধন

নিন্দা ! আর নাহি ডরি,
নিন্দারে করিব ধ্বংস কণ্ঠরুদ্ধ করি ।
নিস্তক করিয়া দিব মুখরা নগরী
স্পর্ধিত বসনা তার দৃঢ়বলে চাপি

মোর পাদপীঠতলে । ‘দুর্ঘোষন পাপী’
 ‘দুর্ঘোষন কুরমনা’ ‘দুর্ঘোষন হীন’
 নিরুত্তরে শুনিয়া এসেছি এতদিন—
 রাজদণ্ড স্পর্শ করি কহি মহারাজ,
 আপামর জনে আমি কহাইব আজ,
 ‘দুর্ঘোষন রাজা । দুর্ঘোষন নাহি সহে
 রাজনিন্দা-আলোচনা, দুর্ঘোষন বহে
 নিজহস্তে নিজনাম ।’

ধৃতরাষ্ট্র

ওরে বৎস, শোন,
 নিন্দারে রসনা হতে দিলে নির্বাসন
 নিয়মুখে অন্তরের গুঢ় অঙ্ককারে
 গভীর জটিল মূল সুদূরে প্রসারে,
 নিত্য বিষতিলু করি রাখে চিত্ততল ।
 রসনায় নৃত্য করি চপল চঞ্চল
 নিন্দা শাস্ত হয়ে পড়ে, দিয়ো না তাহারে
 নিঃশব্দে আপন শক্তি বৃদ্ধি করিবারে
 গোপন হৃদয়দুর্গে । প্রীতিমন্ত্রবলে
 শাস্ত করো, বন্দী করো নিন্দাসর্পদলে
 বংশীরবে হাস্তমুখে ।

দুর্ঘোষন

অব্যক্ত নিন্দায়

কোনো ক্ষতি নাহি করে রাজমর্ষাদায় ;

ক্রক্ষেপ না করি তাহে । প্রীতি নাহি পাই
 তাহে খেদ নাহি— কিন্তু স্পর্ধা নাহি চাই
 মহারাজ ! প্রীতিদান স্বৈচ্ছার অধীন,
 প্রীতিভিক্ষা দিয়ে থাকে দীনতম দীন—
 সে প্রীতি বিলাক তারা পালিত মার্জারে,
 ঘরের কুকুরে আর পাণ্ডবভ্রাতারে ;
 তাহে মোর নাহি কাজ । আমি চাহি ভয়,
 সেই মোর রাজপ্রাপ্য ; আমি চাহি জয়
 দর্পিতের দর্প নাশি । শুন নিবেদন
 পিতৃদেব !— এককাল তব সিংহাসন
 আমার নিন্দুকদল নিত্য ছিল ঘিরে
 কণ্টকতরুর মতো নিষ্ঠুর প্রাচীরে
 তোমার আমার মধ্যে রচি ব্যবধান ;
 শুনায়েছে পাণ্ডবের নিত্যগুণগান,
 আমাদের নিত্য নিন্দা— এইমতে, পিতঃ,
 পিতৃস্নেহ হতে মোরা চিরনির্বাসিত ।
 এইমতে, পিতঃ, মোরা শিশুকাল হতে
 হীনবল— উৎসমুখে পিতৃস্নেহশ্রোতে
 পাষাণের বাধা পড়ি মোরা পরিষ্কীর্ণ
 শীর্ণ নদ, নষ্টপ্রাণ, গতিশক্তিহীন,
 পদে পদে প্রতিহত— পাণ্ডবেরা স্ফীত,
 অধঃ, অবাধগতি । অদ্ব্য হতে, পিতঃ,
 যদি সে নিন্দুকদলে নাহি কর দূর
 সিংহাসনপার্শ্ব হতে, সঞ্জয় বিদূর

ভীষ্মপিতামহে— যদি তারা বিজ্ঞবেশে
 হিতকথা ধর্মকথা সাধু-উপদেশে
 নিন্দায় ধিকারে তর্কে নিমেষে নিমেষে
 ছিন্ন ছিন্ন করি দেয় রাজকর্মডোর,
 ভারাক্রান্ত করি রাখে রাজদণ্ড মোর,
 পদে পদে দ্বিধা আনে রাজশক্তিমাঝে,
 মুকুট মলিন করে অপमानে লাঞ্জে,
 তবে ক্ষমা দাও পিতৃদেব, নাহি কাজ
 সিংহাসনকণ্টকশয়নে— মহারাজ,
 বিনিময় করে লই পাণ্ডবের সনে,
 রাজ্য দিয়ে বনবাস, যাই নির্বাসনে ।

ধৃতরাষ্ট্র

হায় বৎস, অভিমানী ! পিতৃস্নেহ মোর
 কিছু যদি হ্রাস হত শুনি স্ককঠোর
 সুহৃদের নিন্দাবাক্য, হইত কলাপ ।
 অধর্মে দিয়েছি যোগ, হারায়েছি জ্ঞান,
 এত স্নেহ । করিতেছি সর্বনাশ তোর,
 এত স্নেহ । জ্বালাতেছি কালানল ঘোর
 পুরাতন কুরুবংশ-মহারণ্যতলে—
 তবু, পুত্র, দোষ দিস স্নেহ নাই ব'লে ?
 মণিলোভে কালসর্প করিলি কামনা,
 দিনু তোরে নিজহস্তে ধরি তার ফণা
 অন্ধ আমি । অন্ধ আমি অন্তরে বাহিরে
 চিরদিন— তোরে লয়ে প্রলয়তিমিরে

কাহিনী

চলিয়াছি— বন্ধুগণ হাহাকার-রবে
 করিছে নিষেধ, নিশাচর গৃধ্র-সবে
 করিতেছে অশুভ চীৎকার, পদে পদে
 সংকীর্ণ হতেছে পথ, আসন্ন বিপদে
 কণ্টকিত কলেবর, তবু দৃঢ়করে
 ভয়ংকর স্নেহে বন্ধে বাঁধি লয়ে তোরে
 বায়ুবলে অন্ধবেগে বিনাশের গ্রাসে
 ছুটিয়া চলেছি মূঢ় মত্ত অটুহাসে
 উদ্ধার আলোকে— শুধু তুমি আর আমি,
 আর সঙ্গী বজ্রহস্ত দীপ্ত অন্তর্যামী—
 নাই সম্মুখের দৃষ্টি, নাই নিবারণ
 পশ্চাতের, শুধু নিয়ে ঘোর আকর্ষণ
 নিদাক্রম নিপাতের । সহসা একদা
 চকিতে চেতনা হবে, বিধাতার গদা
 মুহূর্তে পড়িবে শিরে, আসিবে সময়—
 ততক্ষণ পিতৃস্নেহে কোরো না সংশয়,
 আলিঙ্গন কোরো না শিথিল ; ততক্ষণ
 দ্রুত হস্তে লুটি লও সর্ব স্বার্থধন ;
 হও জয়ী, হও সুখী, হও তুমি রাজা
 একেশ্বর ।— ওরে, তোরা জয়বাদ্য বাজা ।
 জয়ধ্বজা তোল শূন্যে । আজি জয়োৎসবে
 ন্যায় ধর্ম বন্ধু ভ্রাতা কেহ নাহি রবে—
 না রবে বিহুর ভীষ্ম, না রবে সঞ্জয়,
 নাহি রবে লোকনিন্দা লোকলজ্জা -ভয়,

কুরুবংশরাজলক্ষ্মী নাহি রবে আর—
 শুধু রবে অন্ধ পিতা, অন্ধ পুত্র তার,
 আর কালাস্তক ষম— শুধু পিতৃস্নেহ
 আর বিধাতার শাপ, আর নহে কেহ ।

চরের প্রবেশ

চর

মহারাজ, অগ্নিহোত্র দেব-উপাসনা
 ত্যাগ করি বিপ্রগণ, ছাড়ি সঙ্ঘার্চনা
 দাঁড়ায়েছে চতুষ্পথে পাণ্ডবের তরে
 প্রতীক্ষিয়া ; পৌরগণ কেহ নাহি ঘরে,
 পণ্যাশালা রুদ্ধ সব ; সঙ্ঘা হল, তবু
 ভৈরবমন্দির-মাঝে নাহি বাজে প্রভু,
 শঙ্খঘণ্টা সঙ্ঘাভেরী, দীপ নাহি অলে ;
 শোকাতুর নরনারী সবে দলে দলে
 চলিয়াছে নগরের সিংহদ্বার-পানে
 দীনবেশে সজলনয়নে ।

দুর্যোধন

নাহি জানে

জাগিয়াছে দুর্যোধন । মৃত ভাগ্যহীন !
 ঘনায় এসেছে আজি তোদের দুর্দিন ।
 রাজায় প্রজায় আজি হবে পরিচয়
 ঘনিষ্ঠ কঠিন । দেখি কতদিন রয়
 প্রজার পরম স্পর্ধা— নির্বিষ সর্পের

কাহিনী

ব্যর্থ ফণা-আক্ষানন, নিরস্ত্র দর্পের
হহংকার ।

ঐতিহারীর প্রবেশ

ঐতিহারী

মহারাজ, মহিষী গাঙ্গারী
দর্শনপ্রার্থিনী পদে ।

ধৃতরাষ্ট্র

বহিনু তাঁহারি

প্রতীক্ষায় ।

দুর্ধোধন

পিতঃ, আমি চলিলাম তবে ।

[প্রস্থান

ধৃতরাষ্ট্র

করো পলায়ন । হায়, কেমনে বা সবে
সাধ্বী জননীর দৃষ্টি সমুদ্রত বাজ
ওরে পুণ্যভীত ! মোরে তোর নাহি লাজ ।

গাঙ্গারীর প্রবেশ

গাঙ্গারী

নিবেদন আছে শ্রীচরণে । অনুনয়
রক্ষা করো নাথ !

ধৃতরাষ্ট্র

কভু কি অপূর্ণ রয়

প্রিয়ার প্রার্থনা ?

গান্ধারী

ত্যাগ করো এইবার—

ধৃতরাষ্ট্র

কারে হে মহিষী ?

গান্ধারী

পাপের সংঘর্ষে যার

পড়িছে ভীষণ শান ধর্মের কুপাণে

সেই মুঢ়ে ।

ধৃতরাষ্ট্র

কে সে জন ? আছে কোন্‌খানে ?

শুধু কহো নাম তার ।

গান্ধারী

পুত্র দুর্ধোধন ।

ধৃতরাষ্ট্র

তাহারে করিব ত্যাগ !

গান্ধারী

এই নিবেদন

তব পদে ।

ধৃতরাষ্ট্র

দারুণ প্রার্থনা হে গান্ধারী,

রাজমাতা !

গান্ধারী

এ প্রার্থনা শুধু কি আমারি

হে কোরব ? কুরুকুলপিতৃপিতামহ

কাহিনী

স্বর্গ হতে এ প্রার্থনা করে অহরহ
 নরনাথ ! ত্যাগ করো, ত্যাগ করো তারে—
 কোরবকল্যাণলক্ষ্মী যার অত্যাচারে
 অশ্রুমুখী প্রতীক্ষিছে বিদায়ের ক্ষণ
 ত্রিদিন ।

ধৃতরাষ্ট্র

ধর্ম তারে করিবে শাসন
 ধর্মেতে যে লভ্বন করেছে— আমি পিতা—

গান্ধারী

মাতা আমি নাহি ? গর্ভভারজর্জরিতা
 জাগ্রত স্বপ্নপিতলে বহি নাই তারে ?
 স্নেহবিগলিত চিত্ত শুভ্র দুগ্ধধারে
 উচ্ছ্বসিয়া উঠে নাই দুই স্তন বাহি
 তার সেই অকলঙ্ক শিশুমুখ চাহি ?
 শাখাবন্ধে ফল যথা সেইমত করি
 বহু বর্ষ ছিল না সে আমারে আঁকড়ি
 দুই ক্ষুদ্র বাহুবলু দিয়ে— লয়ে টানি
 মোর হাসি হতে হাসি, বাণী হতে বাণী,
 প্রাণ হতে প্রাণ ? তবু কহি, মহারাজ,
 সেই পুত্র দুর্ধোধনে ত্যাগ করো আজ ।

ধৃতরাষ্ট্র

কী রাখিব তারে ত্যাগ করি ?

গান্ধারী

ধর্ম তব ।

ধৃতরাষ্ট্র

কী দিবে তোমারে ধর্ম ?

গান্ধারী

দুঃখ নব নব ।

পুত্রসুখ রাজ্যসুখ অধর্মের পণে
জিনি লয়ে চিরদিন বহিব কেমনে
তুই কাঁটা বন্ধে আলিঙ্গিয়া ।

ধৃতরাষ্ট্র

হায় প্রিয়ে,

ধর্মবশে একবার দিনু ফিরাইয়ে
দ্যুতবদ্ধ পাণ্ডবের হৃত রাজ্যধন ।
পরক্ষণে পিতৃস্নেহ করিল গুঞ্জন
শতবার কর্ণে মোর, 'কী করিলি ওরে ?
এককালে ধর্মাধর্ম তুই তরী-'পরে
পা দিয়ে বাঁচে না কেহ । বারেক যখন
নেমেছে পাপের স্রোতে কুরুপুত্রগণ
তখন ধর্মের সাথে সন্ধি করা মিছে ;
পাপের দুয়ারে পাপ সহায় মাগিছে ।
কী করিলি হতভাগ্য, বৃদ্ধ, বুদ্ধিহত,
দুর্বল দ্বিধায় পড়ি ? অপমানক্ষত
রাজ্য ফিরে দিলে তবু মিলাবে না আর
পাণ্ডবের মনে— শুধু নব কাষ্ঠভার
হতাশনে দান । অপমানিতের করে
ক্ষমতার অস্ত্র দেওয়া মরিবার তরে ।

কাহিনী

সক্ষমে দিয়ো না ছাড়ি দিয়ে স্বল্প পীড়া,
 করহ দমন । কোরো না বিফল ক্রীড়া
 পাপের সহিত ; যদি ডেকে আন তারে
 বরণ করিয়া তবে লহো একেবারে ।’
 এইমত পাপবুদ্ধি পিতৃশ্লেহ রূপে
 বিধিতে লাগিল মোর কর্ণে চুপে চুপে
 কত কথা তীক্ষ্ণসূচিসম । পুনরায়
 ফিরানু পাণ্ডবগণে ; দ্যুতছলনায়
 বিসর্জিনু দীর্ঘ বনবাসে । হায় ধর্ম,
 হায় রে প্রবৃত্তিবেগ ! কে বুঝিবে মর্ম
 সংসারের !

গাঙ্গারী

ধর্ম নহে সম্পদের হেতু,
 মহারাজ, নহে সে স্নেহের ক্ষুদ্র সেতু—
 ধর্মেই ধর্মের শেষ । মূঢ় নারী আমি,
 ধর্মকথা তোমারে কী বুঝাইব স্বামী,
 জ্ঞান তো সকলি । পাণ্ডবেরা যাবে বনে,
 ফিরাইলে ফিরিবে না, বন্ধ তারা পণে ;
 এখন এ মহারাজ্য একাকী তোমার
 মহীপতি— পুত্র তব ত্যজ এইবার ;
 নিম্পাপেরে দুঃখ দিয়ে নিজে পূর্ণ সুখ
 লইয়ো না ; ন্যায়ধর্মে কোরো না বিমুখ
 পৌরবপ্রাসাদ হতে— দুঃখ সুদুঃসহ

আজ হতে ধর্মরাজ, লহো তুলি লহো,
দেহো তুলি মোর শিরে ।

ধৃতরাষ্ট্র

হায় মহারানী,
সত্য তব উপদেশ, তীব্র তব বাণী !

গাঙ্গারী

অধর্মের মধুমাখা বিষফল তুলি
আনন্দে নাচিছে পুত্র ; স্নেহমোহে ভুলি
সে ফল দিয়ো না তারে ভোগ করিবারে—
কেড়ে লও, ফেলে দাও, কাঁদাও তাহারে ।
ছললক্ক পাপক্ষীত রাজ্যধনজনে
ফেলে রাখি সেও চলে যাক নির্বাসনে,
বঞ্চিত পাণ্ডবদের সমদুঃখভার
করুক বহন ।

ধৃতরাষ্ট্র

ধর্মবিধি বিধাতার—

জাগ্রত আছেন তিনি, ধর্মদণ্ড তাঁর
রয়েছে উদ্বৃত্ত নিত্য— অয়ি মনস্বিনী,
তাঁর রাজ্যে তাঁর কার্য করিবেন তিনি ।
আমি পিতা—

গাঙ্গারী

তুমি রাজা, রাজ-অধিরাজ
বিধাতার বাম হস্ত ; ধর্মরক্ষা-কাজ

কাহিনী

তোমা-’পরে সমর্পিত । শুধাই তোমায়ে,
 যদি কোনো প্রজা তব সতী অবলারে
 পরগৃহ হতে টানি করে অপমান
 বিনা দোষে— কী তাহার করিবে বিধান ?

ধৃতরাষ্ট্র

নির্বাসন ।

গান্ধারী

তবে আজ রাজপদতলে
 সমস্ত নারীর হয়ে নয়নের জলে
 বিচার প্রার্থনা করি । পুত্র দুর্ধোধন
 অপরাধী প্রভু ! তুমি আছ, হে রাজনু,
 প্রমাণ আপনি । পুরুষে পুরুষে হৃদয়
 স্বার্থ লয়ে বাধে অহরহ— ভালোমন্দ
 নাহি বুঝি তার । দণ্ডনীতি, ভেদনীতি,
 কুটনীতি কত শত, পুরুষের রীতি
 পুরুষেই জানে । বলের বিরোধে বল,
 ছলের বিরোধে কত জেগে উঠে ছল,
 কৌশলে কৌশলে হানে— মোরা থাকি দূরে
 আপনার গৃহকর্মে শাস্ত অস্তঃপুরে ।
 যে সেথা টানিয়া আনে বিদ্রোহ-অনল,
 যে সেথা সঞ্চার করে ঈর্ষার গরল
 বাহিরের হৃদয় হতে, পুরুষেরে ছাড়ি
 অস্তঃপুরে প্রবেশিয়া নিরুপায় নারী

গৃহধর্মচারিণীর পুণ্যদেহ-'পরে
 কলুষপঙ্কজ স্পর্শে অসম্মানে করে
 হস্তক্ষেপ— পতি-সাথে বাধায়ে বিরোধ
 যে নর পত্নীরে হানি লয় তার শোধ,
 সে শুধু পাষণ্ড নহে, সে যে কাপুরুষ ।
 মহারাজ, কী তার বিধান ? অকলুষ
 কুরুবংশে পাপ যদি জন্ম লাভ করে
 সেও সহে, কিন্তু প্রভু, মাতৃগর্ভভরে
 ভেবেছিল গর্ভে মোর বীরপুত্রগণ
 জন্মিয়াছে— হায় নাথ, সেদিন যখন
 অনাধিনী পাঞ্চালীর আর্তকণ্ঠরব
 প্রাসাদপাষণ্ডভিত্তি করি দিল দ্রব
 লজ্জা-ঘৃণা-করুণার তাপে, ছুটি গিঘা
 হেরিনু গবাক্ষে, তার বস্ত্র আকর্ষিয়া
 খল খল হাসিতেছে সভা-মাঝখানে
 গান্ধারীর পুত্রপিশাচেরা— ধর্ম জানে,
 সেদিন চূর্ণিয়া গেল জন্মের মতন
 জনীর শেষ গর্ব । কুরুরাজগণ,
 পৌরুষ কোথায় গেছে ছাড়িয়া ভারত !
 তোমরা হে মহারথী, জড়মূর্তিবৎ
 বসিয়া রহিলে সেথা চাহি মুখে মুখে,
 কেহ বা হাসিলে, কেহ করিলে কোঁতুকে
 কানাকানি— কোষ-মাঝে নিশ্চল কুপাণ
 বজ্রনিঃশেষিত লুপ্ত বিদ্যৎ-সমান

কাহিনী

নিদ্রাগত । মহারাজ, শুন মহারাজ,
 এ মিনতি— দূর করো জননীর লাজ,
 বীরধর্ম করহ উদ্ধার, পদাহত
 সতীত্বের ঘুচাও ক্রন্দন, অবনত
 ন্যায়ধর্মে করহ সম্মান, ত্যাগ করো
 হুঁয়োধনে ।

ধৃতরাষ্ট্র

পরিতাপদহনে-জর্জর
 হৃদয়ে করিছ শুধু নিষ্ফল আঘাত
 হে মহিষী !

গান্ধারী

শতগুণ বেদনা কি, নাথ,
 লাগিছে না মোরে ? প্রভু, দণ্ডিতের সাথে
 দণ্ডদাতা কঁাদে যবে সমান আঘাতে
 সর্বশ্রেষ্ঠ সে বিচার । যার তরে প্রাণ
 কোনো ব্যথা নাহি পায় তারে দণ্ডদান
 প্রবলের অত্যাচার । যে দণ্ডবেদনা
 পুত্রেরে পার না দিতে সে কারে দিয়ে না ।
 যে তোমার পুত্র নহে তারও পিতা আছে,
 মহা অপরাধী হবে তুমি তার কাছে
 বিচারক ! শুনিয়াছি, বিশ্ববিধাতার
 সবাই সম্মান মোরা— পুত্রের বিচার
 নিয়ত করেন তিনি আপনার হাতে
 নারায়ণ ; ব্যথা দেন, ব্যথা পান সাথে—

নতুবা বিচারে তাঁর নাই অধিকার,
 মুচ নারী লভিয়াছি অস্তরে আমার
 এই শাস্ত্র । পাপী পুত্রে ক্রমা কর যদি
 নির্বিচারে, মহারাজ, তবে নিরবধি
 যত দণ্ড দিলে তুমি যত দোষীজনে
 ফিরিয়া লাগিবে আসি দণ্ডদাতা ভূপে ;
 ন্যায়ের বিচার তব নির্মমতারূপে
 পাপ হয়ে তোমারে দাগিবে । ত্যাগ করে
 পাপী দুর্ঘোষনে ।

ধৃতরাষ্ট্র

প্রিয়ে, সংহর সংহর

তব বাণী । ছিঁড়িতে পারি নে মোহডোর,
 ধর্মকথা শুধু আসি হানে স্ককঠোর
 ব্যর্থ ব্যথা । পাপী পুত্র ত্যাজ্য বিধাতার,
 তাই তারে ত্যজিতে না পারি— আমি তার
 একমাত্র । উন্নততরঙ্গ-মাঝখানে
 যে পুত্র সঁপেছে অঙ্গ তারে কোন্ প্রাণে
 ছাড়ি যাব । উদ্ধারের আশা ত্যাগ করি
 তবু তারে প্রাণপণে বক্ষে চাপি ধরি,
 তারি সাথে এক পাপে ঝাঁপ দিয়া পড়ি,
 এক বিনাশের তলে তলাইয়া মরি
 অকাতরে— অংশ লই তার দুর্গতির.
 অর্ধফল ভোগ করি তার দুর্মতির,

সেই তো সাধনা মোর— এখন তো আর
 বিচারের কাল নাই, নাই প্রতিকার,
 নাই পথ— ঘটেছে যা ছিল ঘটবার,
 ফলিবে যা ফলিবার আছে ।

[প্রহান

গাঙ্গারী

হে আমার
 অশান্ত হৃদয়, স্থির হও । নতশিরে
 প্রতীক্ষা করিয়া থাকো বিধির বিধিরে
 ধৈর্য ধরি । যেদিন সুদীর্ঘ রাত্রি-পরে
 সজ্ঞ ভেগে উঠে কাল সংশোধন করে
 আপনারে, সেদিন দারুণ দুঃখদিন ।
 দুঃসহ উত্তাপে যথা স্থির গতিহীন
 ঘুমাইয়া পড়ে বায়ু— জাগে ঝঞ্জাবড়ে
 অকস্মাৎ, আপনার জড়ত্বের 'পরে
 করে আক্রমণ, অন্ধ বৃশ্চিকের মতো
 ভীমপুচ্ছে আত্মশিরে হানে অবিরত
 দীপ্ত বজ্রশূল, সেইমত কাল যবে
 জাগে, তারে সত্যে অকাল কহে সবে ।
 লুটাও লুটাও শির, প্রণয় রমণী,
 সেই মহাকালে ; তার রথচক্রধ্বনি
 দূর কল্পলোক হতে বজ্রধ্বনিরিত
 ওই শুনা যায় । তোর আর্ত অর্জরিত
 হৃদয় পাতিয়া রাখ্ তার পথতলে ।

ছিন্ন সিক্ত স্বপ্নেশুর রক্তশতদলে
 অঞ্জলি রচিয়া থাক্ জাগিয়া নীরবে
 চাহিয়া নিমেষহীন । তার পরে যবে
 গগনে উড়িবে ধূলি, কাঁপিবে ধরণী,
 সহসা উঠিবে শূন্যে ক্রন্দনের ধ্বনি—
 হায় হায় হা রমণী, হায় রে অনাথা,
 হায় হায় বীরবধু, হায় বীরমাতা,
 হায় হায় হাহাকার— তখন সুধীরে
 ধুলায় পড়িস লুটি অবনতশিরে
 মুদিয়া নয়ন । তার পরে নমো নম
 স্তনিশ্চিত পরিণাম, নির্বাক্ নির্মম
 দারুণ করুণ শাস্তি ! নমো নমো নম
 কল্যাণ কঠোর কান্ত, ক্ষমা স্নিগ্ধতম !
 নমো নমো বিদ্বেষের ভীষণা নিরুতি,
 শ্মশানের ভয়মাথা পরমা নিষ্কৃতি !

দুর্ধোধন-মহিষী ভানুমতীর প্রবেশ

ভানুমতী

দাসীগণের প্রতি

ইন্দুমুখি, পরভূতে, লহো তুলি শিরে
 মাল্যবস্ত্র অলংকার ।

গাঙ্কারী

বৎসে, ধীরে, ধীরে !

পৌরবভবনে কোন্ মহোৎসব আজি ?

কাহিনী

কোথা যাও নববস্ত্র-অলংকারে সাজি
বধু মোর ?

ভানুমতী

শত্রুপরাভবশুভক্ষণ

সমাগত ।

গাঙ্গারী

শত্রু যার আত্মীয়স্বজন
আত্মা তার নিত্য শত্রু, ধর্ম শত্রু তার,
অজ্ঞেয় তাহার শত্রু । নব অলংকার
কোথা হতে হে কল্যাণী ?

ভানুমতী

জিনি বসুমতী

ভূজবলে পাঞ্চালীরে তার পঞ্চপতি
দিয়েছিল যত রত্ন মণি অলংকার—
যজ্ঞদিনে যাহা পরি ভাগ্য-অহংকার
ঠিকরিত মাণিক্যের শতসূচিমুখে
দ্রৌপদীর অঙ্গ হতে, বিদ্ধ হত বুকে
কুরুকুলকামিনীর, সে রত্নভূষণে
আমারে সাজিয়ে তারে যেতে হল বনে ।

গাঙ্গারী

হা রে মুঢ়ে, শিক্ষা তবু হল না তোমার !
সেই রত্ন নিয়ে তবু এত অহংকার !
একি ভয়ংকরী কাস্তি, প্রলয়ের সাজ !
যুগান্তের উদ্বা-সম দহিছে না আজ

এ মণিমঞ্জীর তোরে ? রত্নললাটিকা
 এ যে তোর সৌভাগ্যের বজ্রানলশিখা ।
 তোরে হেরি অঙ্গে মোর ত্রাসের স্পন্দন
 সঞ্চাৰিছে, চিত্তে মোর উঠিছে ক্রন্দন—
 আনিছে শঙ্কিত কর্ণে তোর অলংকার
 উন্মাদিনী শংকরীর তাণ্ডববাংকার

ভানুমতী

মাতঃ, মোরা ক্ষত্রনারী, দুর্ভাগ্যের ভয়
 নাহি করি । কড়ু জয়, কড়ু পরাজয়—
 মধ্যাহ্নগগনে কড়ু, কড়ু অন্তধামে
 ক্ষত্রিয়মহিমাসূৰ্ঘ উঠে আর নামে ।
 ক্ষত্রবীরাজনা, মাতঃ, সেই কথা স্মরি
 শঙ্কার বন্ধেতে থাকি সংকটে না ডরি
 ক্ষণকাল । দুর্দিন-দুর্যোগ যদি আসে
 বিমুখ ভাগ্যে তবে হানি উপহাসে
 কেমনে মরিতে হয় জানি তাহা দেবী,
 কেমনে বাঁচিতে হয় শ্রীচরণ সেবি
 সে শিক্ষাও লভিয়াছি ।

গাঙ্গারী

বৎসে, অমঙ্গল

একেলা তোমার নহে । লয়ে দলবল
 সে যবে মিটায় ক্ষুধা, উঠে হাহাকার,
 কত বীররক্তশ্রোতে কত বিধবার
 অশ্রুধারা পড়ে আসি— রত্ন-অলংকার

কাহিনী

বধূহস্ত হতে খসি পড়ে শত শত
 চূতলতাকুঞ্জবনে মঞ্জরীর মতো
 ঝঙ্কাবাতে । বৎসে, ভাঙিয়ো না বন্ধ সেতু ।
 ক্রীড়াচ্ছলে তুলিও না বিপ্লবের কেতু
 গৃহমাঝে । আনন্দের দিন নহে আজি ।
 স্বজনদুর্ভাগ্য লয়ে সর্ব অঙ্গে সাজি
 গর্ব করিয়ো না মাতঃ । হয়ে সুসংযত
 আজ হতে শুদ্ধচিত্তে উপবাসব্রত
 করো আচরণ— বেণী করি উন্মোচন
 শাস্তমনে করো, বৎসে, দেবতা-অর্চন ।
 এ পাপ সৌভাগ্যদিনে গর্ব-অহংকারে
 প্রতি ক্ষণে লজ্জা দিয়ো নাকো বিধাতারে ।
 খুলে ফেলো অলংকার, নবরক্তাস্বর ;
 ধামাও উৎসববাচ, রাজ-আড়ম্বর,
 অগ্নিগৃহে যাও, পুত্রী, ডাকো পুরোহিতে—
 কালের প্রতীক্ষা করো শুদ্ধসত্ত্ব চিতে ।

[ভানুমতীর প্রস্থান

শ্রোপদী-সহ পঞ্চপাণ্ডবের প্রবেশ

যুধিষ্ঠির

আশীর্বাদ মাগিবারে এসেছি জননী,
 বিদায়ের কালে ।

গান্ধারী

সৌভাগ্যের দিনমণি

দুঃখরাত্রি-অবসানে দ্বিগুণ উজ্জল

উদিবে হে বৎসগণ । বায়ু হতে বল,
 সূর্য হতে তেজ, পৃথ্বী হতে ধৈর্যক্রমা
 করো লাভ, দুঃখব্রত পুত্র মোর ! রমা
 দৈন্ত্র্যমাবে গুপ্ত থাকি দীনছদ্মরূপে
 ফিরুন পশ্চাতে তব সদা চূপে চূপে,
 দুঃখ হতে তোমা-তরে করুন সঞ্চয়
 অক্ষয় সম্পদ । নিত্য হউক নির্ভয়
 নির্বাসনবাস । বিনা পাপে দুঃখভোগ
 অন্তরে অলস্ত তেজ করুক সংযোগ
 বহির্শিখাদধ দীপ্ত সুবর্ণের প্রায় ।
 সেই মহাদুঃখ হবে মহৎ সহায়
 তোমাদের । সেই দুঃখে রহিবেন ঋণী
 ধর্মরাজ বিধি ; যবে শুধিবেন তিনি
 নিজহস্তে আত্মঋণ তখন জগতে
 দেব নর কে দাঁড়াবে তোমাদের পথে !
 মোর পুত্র করিয়াছে ষত অপরাধ
 খণ্ডন করুক সব মোর আশীর্বাদ,
 পুত্রাধিক পুত্রগণ । অন্যায় পীড়ন
 গভীর কল্যাণসিন্ধু করুক মন্থন ।

ত্রৌপদীকে আলিঙ্গন-পূর্বক

ভুলুষ্ঠিতা স্বর্ণলতা হে বৎসে আমার,
 হে আমার রাহগ্রস্ত শশী ! একবার
 তোলো শির, বাক্য মোর করো অবধান ।
 যে তোমাতে অবমানে তারি অপমান

জগতে রহিবে নিত্য, কলঙ্ক অক্ষয় ।
 তব অপমানরাশি বিশ্বজগন্ময়
 ভাগ করে লইয়াছে সর্ব কুলাঙ্গনা—
 কাপুরুষতার হস্তে সতীর লাঞ্ছনা ।
 যাও বৎসে, পতি-সাথে অমলিনমুখ
 অরণ্যেরে করো স্বর্গ, দুঃখে করো সুখ ।
 বধু মোর, সুদুঃসহ পতিদুঃখবাধা
 বন্ধে ধরি সতীত্বের লভো সার্থকতা ।
 রাজগৃহে আয়োজন দিবসযামিনী
 সহস্র সুখের— বনে তুমি একাকিনী
 সর্বসুখ, সর্বসঙ্গ, সর্বৈশ্বর্যময়,
 সকল সাঙ্ঘনা একা, সকল আশ্রয়—
 ক্লাস্তির আরাম, শাস্তি, ব্যাধির শুশ্রূষা,
 হৃদিনের শুভলক্ষ্মী, তামসীর ভূষা
 উষা মূর্তিমতী । তুমি হবে একাকিনী
 সর্বপ্রীতি, সর্বসেবা, জননী, গেহিনী—
 সতীত্বের শ্বেতপদ্য সম্পূর্ণ সৌরভে
 শত দলে প্রফুল্লিয়া জাগিবে গৌরবে ।

সতী

মিস্ ম্যানিং -সম্পাদিত জ্ঞানদাস ইণ্ডিয়ান
অ্যাসোসিয়েশনের পত্রিকার মারাঠি গাথা সঙ্কে
অ্যাক্‌ওয়ার্থ সাহেব -রচিত প্রবন্ধ-বিশেষ হইতে
বর্ণিত ঘটনা সংগৃহীত

রণক্ষেত্র

অমাবাই ও বিনায়ক রাও

অমাবাই

পিতা !

বিনায়ক রাও

পিতা ! আমি তোঁর পিতা ! পাপীয়সী
স্বাতন্ত্র্যচারিণী ! যবনের গৃহে পশি
য়েচ্ছগলে দিলি মালা কুলকলঙ্কিনী !
আমি তোঁর পিতা !

অমাবাই

অন্যায় সমরে জিনি

স্বহস্তে বধিলে তুমি পতিরে আমার,
হায় পিতা, তবু তুমি পিতা ! বিধবার
অশ্রুপাতে পাছে লাগে মহা অভিশাপ
তব শিরে, তাই আমি দুঃসহ সন্তাপ

কাহিনী

রুদ্ধ করি রাখিয়াছি এ বক্ষপঞ্জরে ।
 তুমি পিতা, আমি কন্যা— বহুদিন পরে
 হয়েছে সাক্ষাৎ দৌহে সময়-অঙ্গনে
 দারুণ নিশীথে । পিতঃ, প্রণমি চরণে
 পদধূলি তুলি শিরে লইব বিদায় ।
 আজ যদি নাহি পারো ক্ষমিতে কন্যায়,
 আমি তবে ভিক্ষা মাগি বিধাতার ক্ষমা
 তোমা লাগি পিতৃদেব !

বিনায়ক রাও

কোথা যাবি অমা !

ধিক্ অশ্রুজল ! ওরে দুর্ভাগিনী নারী,
 যে বৃক্ষে বাঁধিলি নীড় ধর্ম না বিচারি
 সে তো বজ্রাহত, দগ্ধ— যাবি কার কাছে
 ইহকাল পরকাল -হারা !

অমাবাই

পুত্র আছে—

বিনায়ক রাও

থাক পুত্র । ফিরে আর চাস নে পশ্চাতে
 পাতকের ভগ্নশেষ-পানে । আজ রাতে
 শোণিততর্পণে তোর প্রায়শ্চিত্ত শেষ—
 যবনের গৃহে তোর নাহিক প্রবেশ
 আর কড় । বন্ তবে, কোথা যাবি আজ ।

সতী

৫৩

অমাবাই

হে নির্দয়, আছে মৃত্যু, আছে যমরাজ,
পিতা হতে স্নেহময়, মুক্তদ্বারে ধীর
আশ্রয় মাগিয়া কেহ ফিরে নাই আর ।

বিনায়ক রাও

মৃত্যু ? বৎসে, হা ছুর্ভক্তে, পরম পাবক
নির্মল উদার মৃত্যু— সকল পাতক
করে গ্রাস, সিন্ধু যথা সকল নদীর
সব পঙ্করাশি । সেই মৃত্যু সুগভীর
তোর মুক্তি গতি । কিন্তু, মৃত্যু আজ না সে,
নহে হেথা । চল তবে দূর তীর্থবাসে
সলজ্জ স্বজন আর সক্রোধ সমাজ
পরিহরি, বিসর্জি কলঙ্ক ভয় লাজ
জন্মভূমিধূলিতলে । সেথা গঙ্গাতীরে
নবীন নির্মল বায়ু— স্বচ্ছ পুণ্যনীয়ে
তিন সন্ধ্যা স্নান করি, নির্জন কুটিরে
শিব শিব শিব নাম জপি শান্তমনে,
সুদূর মন্দির হতে সায্যরূপবনে
শুনিয়া আরতিধ্বনি, একদিন কবে
আয়ুশেষে মৃত্যু তোরে লইবে নীরবে
পতিত কুসুমে লয়ে পঙ্ক ধুয়ে তার
গঙ্গা যথা দেয় তারে পূজা-উপহার
সাগরের পদে ।

কাহিনী

অমাবাই

পুত্র মোর—

বিনায়ক রাও

তার কথা

দূর কর । অতীতনিমুক্ত পবিত্রতা
ধৌত করে দিক তোরে । সত্বশিশুসম
আরবার আয় বৎসে, পিতৃকোলে মম
বিশ্বুতিমাতার গর্ভ হতে । নব দেশে,
নব তরঙ্গিনীতীরে, শুভ্র হাসি হেসে
নবীন কুটিরে মোর আলাবি আলোক
কন্যার কল্যাণকরে ।

অমাবাই

অলে পতিশোক,

বিশ্ব হেরি ছায়াসম ; তোমাদের কথা
দূর হতে আনে কানে ক্ষীণ অশ্রুটতা,
পশে না হৃদয়মাঝে । ছেড়ে দাও মোরে,
ছেড়ে দাও ! পতিরক্তসিক্ত স্নেহডোরে
বেঁধো না আমায় ।

বিনায়ক রাও

কন্যা নহেক পিতার ।

শাখাচ্যুত পুষ্প শাখে ফিরে নাকো আর ।
কিন্তু রে শুধাই তোরে করে কোস পতি
সজ্জাহীনা ? কাড়ি নিল যে স্নেহ দুর্মতি

জীবাঞ্জির প্রসারিত বরহস্ত হতে
 বিবাহের রাতে তোরে, বক্ষিয়া কপোতে
 শোন যথা লয়ে যায় কপোতবধুরে
 আপনার স্নেহ নীড়ে, সে দুই দস্যুরে
 পতি কোস তুই ! সে রাত্রি কি মনে পড়ে ?
 বিবাহ সভায় সবে উৎসুক অন্তরে
 বসে আছি— শুভলগ্ন হল গতপ্রায়,
 জীবাঞ্জি আসে না কেন সবাই শুধায়,
 চায় পথপানে । দেখা দিল হেনকালে
 মশালের রক্তরশ্মি নিশীথের ভালে,
 শুনা গেল বাঘরব । হর্ষে উচ্ছ্বসিল
 অন্তঃপুরে হুলুধ্বনি । দুয়ারে পশিল
 শতেক শিবিকা ; ‘কোথা জীবাঞ্জি কোথায়’
 শুধাতে না শুধাতেই, ঝটিকার প্রায়
 অকস্মাৎ কোলাহলে হতবুদ্ধি করি
 মুহূর্তের মাঝে তোরে বলে অপহরি
 কে কোথা মিলালো । ক্ষণপরে নতশিরে
 জীবাঞ্জি বন্ধনমুক্ত এল ধীরে ধীরে—
 শুনিবু কেমনে তারে বন্দী করি পথে
 লয়ে তার দীপমালা, চড়ি তার রথে,
 কাড়ি লয়ে পরি তার বরপরিচ্ছদ
 বিজাপুর-ঘবনের রাজসভাসদ
 দস্যুবৃত্তি করি গেল । সে দারুণ রাতে
 হোমাগ্নি করিয়া স্পর্শ জীবাঞ্জির সাথে

কাহিনী

প্রতিজ্ঞা করি নু আমি, 'দস্যুরক্তপাতে
 লব এর প্রতিশোধ !' বহুদিন পরে
 হয়েছি সে পণ-মুক্ত । নিশীথসময়ে
 জীবাজি ত্যাজিয়া প্রাণ বীরের সঙ্গতি
 লভিয়াছে । রে বিধবা, সেই তো র পতি—
 দস্যু সে তো ধর্মনাশী !

অমাবাই

ধিক পিতা, ধিক,
 বধেছ পতির মোর— আরো মর্মান্তিক
 এই মিথ্যা বাক্যশেল । তব ধর্ম-কাছে
 পতিত হয়েছি, তবু, মম ধর্ম আছে
 সমুজ্জ্বল । পত্নী আমি, নহি সেবাদাসী ।
 বরমাল্যে বরেছি নু তাঁরে ভালোবাসি
 শ্রদ্ধাভরে ; ধরেছি নু পতির সন্তান
 গর্ভে মোর, বলে করি নাই আত্মদান ।
 মনে আছে দুই পত্র একদিন রাতে
 পেয়েছি নু অন্তঃপুরে গুপ্তদূতী-হাতে ।
 তুমি লিখেছিলে শুধু, 'হানো তাতে ছুরি ।'
 মাতা লিখেছিল, 'পত্রে বিষ দি নু পুরি,
 করো তাহা পান ।' যদি বলে পরাজিত
 অসহায় সতীধর্ম কেহ কেড়ে নিত
 তা হলে কি এতদিন হত না পালন
 তোমাদের সে আদেশ ? হৃদয় অর্পণ

করেছিল বীরপদে । যবন ব্রাহ্মণ
 সে ভেদ কাহার ভেদ ? ধর্মের সে নয় ।
 অন্তরের অন্তর্যামী যেথা জেগে রয়
 সেধায় সমান দৌছে । মাঝে মাঝে তবু
 সংস্কার উঠিত জাগি ; কোনোদিন কভু
 নিগূঢ় ঘৃণার বেগ শিরায় অধীর
 হানিত বিদ্যুৎকম্প, অবাধ্য শরীর
 সংকোচে কুঞ্চিত হত ; কিন্তু তারো পরে
 সতীত্ব হয়েছে জয়ী । পূর্ণভক্তিভরে
 করেছি পতির পূজা ; হয়েছি যবনী
 পবিত্র অন্তরে ; নহি পতিতা রমণী—
 পরিতাপে অপমানে অবনতশিরে
 মোর পতিধর্ম হতে নাহি যাব ফিরে
 ধর্মান্তরে অপরাধী-সম ।

একি, একি !

নিশীথের উন্কা-সম এ কাহারে দেখি
 ছুটে আসে মুক্তকেশে ?

রমাবাইয়ের প্রবেশ

জননী আমার !

কখনো যে দেখা হবে এ জনমে আর
 হেন ভাবি নাই মনে । মা গো, মা-জননী,
 দেহো তব পদধূলি ।

কাহিনী

রমাবাই

ছুঁসু নে যবনী,

পাতকিনী !

অমাবাই

কোনো পাপ নাই মোর দেহে—

নির্মল তোমারি মতো ।

রমাবাই

যবনের গেহে

কার কাছে সমর্পিলি ধর্ম আপনার ?

অমাবাই

পতি কাছে ।

রমাবাই

পতি ! য়েচ্ছ, পতি সে তোমার !

জানিস কাহারে বলে পতি ? নষ্টমতি,

ভ্রষ্টাচার ! রমণীর সে যে এক গতি,

একমাত্র ইষ্টদেব । য়েচ্ছ মুসলমান

ব্রাহ্মণকন্যার পতি ! দেবতা-সমান !

অমাবাই

উচ্চ বিপ্রকুলে জন্মি তবুও যবনে

ঘৃণা করি নাই আমি, কায়বাক্যে মনে

পূজিয়াছি পতি বলি ; মোরে করে ঘৃণা

এমন সতী কে আছে ? নহি আমি হীনা

জননী তোমার চেয়ে— হবে মোর গতি
সতীস্বর্গলোকে ।

রমাবাই

সতী তুমি ?

অমাবাই

আমি সতী ।

রমাবাই

জানিস মরিতে অসংকোচে ?

অমাবাই

জানি আমি ।

রমাবাই

তবে আল্ চিতানল । ওই তোর স্বামী
পড়িয়া সমরভূমে ।

অমাবাই

জীবাজি !

রমাবাই

জীবাজি ।

বাকুদত্ত পতি তোর । তারি ভস্মে আজি
ভস্ম মিলাইতে হবে । বিবাহরাত্রির
বিফল হোমাগ্নিশিখা শ্মশানভূমির
ক্ষুধিত চিতাগ্নিক্রমে উঠেছে জাগিয়া ;
আজি রাত্রে সে রাত্রির অসমাপ্ত ক্রিয়া

কাহিনী

হবে সমাপন ।

বিনায়ক রাও

যাও বৎসে, যাও ফিরে
 তব পুত্র-কাছে, তব শোকতপ্ত নীড়ে ।
 দারুণ কর্তব্য মোর নিঃশেষ করিয়া
 করেছি পালন— যাও তুমি ।— অগ্নি প্রিয়া,
 বৃথা করিতেছ ক্রোভ, যে নব শাখারে
 আমাদের বৃক্ষ হতে কঠিন কুঠারে
 ছিন্ন করি নিয়ে গেল বনাস্তরছায়ে,
 সেথা যদি বিশীর্ণা সে মরিত শুকায়ে
 অগ্নিতে দিতাম তারে ; সে যে ফলে ফুলে
 নব প্রাণে বিকশিত, নব নব মূলে
 নূতন মৃত্তিকা ছেয়ে । সেথা তার প্রীতি,
 সেধাকার ধর্ম তার, সেধাকার রীতি ।
 অন্তরের যোগসূত্র ছিঁড়েছে যখন
 তোমার নিয়মপাশ নির্জীব বন্ধন
 ধর্মে বাঁধিছে না তারে, বাঁধিতেছে বলে ।
 ছেড়ে দাও, ছেড়ে দাও ।— যাও বৎসে, চ'লে,
 যাও তব গৃহকর্মে ফিরে ; যাও তব
 স্নেহপ্রীতি-জড়িত সংসারে, অভিনব
 ধর্মক্ষেত্র-মাঝে ।— এসো প্রিয়ে, মোরা দৌছে
 চলে যাই তীর্থধামে কাটি মায়ামোহে,
 সংসারের দুঃখসুখ-চক্র-আবর্তন
 ত্যাগ করি ।

সতী

৬৩

রমাবাই

তার আগে করিব ছেদন
আমার সংসার হতে পাপের অঙ্কুর
যতগুলি জন্মিয়াছে । করি যাব দূর
আমার গর্ভের লজ্জা । কন্যার কুযশে
মাতার সতীত্বে যেন কলঙ্ক পরশে ।
অনলে অঙ্গার-সম সে কলঙ্ককালি
তুলিব উজ্জ্বল করি চিতানল আলি ।
সতীখ্যাতি রটাইব দুহিতার নামে,
সতীমঠ উঠাইব এ শ্মশানধামে
কন্যার ভস্মের 'পরে ।

অমাবাই

ছাড়া লোকলাজ

লোকখ্যাতি— হে জননী, এ নহে সমাজ,
এ মহাশ্মশানভূমি । হেথা পুণ্যপাপ
লোকের মুখের বাক্যে করিয়ো না মাপ—
সত্যেরে প্রত্যক্ষ করো মৃত্যুর আলোকে ।
সতী আমি । ঘৃণা যদি করে মোরে লোকে
তবু, সতী আমি । পরপুরুষের সনে
মাতা হয়ে বাঁধো যদি মৃত্যুর মিলনে
নির্দোষ কন্যারে, লোকে তোরে ধন্য কবে—
কিন্তু মাতঃ, নিত্যকাল অপরাধী রবে
শ্মশানের অধীশ্বর-পদে ।

কাহিনী

রমাবাই

আলো চিতা,
সৈন্যগণ । ধেরো আসি বন্দিনীরে ।

অমাবাই

পিতা !

বিনায়ক রাও

ভয় নাই, ভয় নাই । হায় বৎসে, হায়,
মাতৃহস্ত হতে আজি রক্ষিতে তোমায়
পিতারে ডাকিতে হল ! সেই হস্তে তোরে
বক্ষে বেঁধে রেখেছিলু, কে জানিত ওরে,
ধর্মে ক্রিতে রক্ষা, দোষীয়ে দণ্ডিতে
সেই হস্তে একদিন হইবে খণ্ডিতে
তোমারি সৌভাগ্যসূত্র হে বৎসে আমার ।

অমাবাই

পিতা !

বিনায়ক রাও

আয় বৎসে ! বৃথা আচার বিচার ।
পুত্রে লয়ে মোর সাথে আয় মোর মেয়ে
আমার আপন ধন । সমাজের চেয়ে
হৃদয়ের নিত্যধর্ম সত্য চিরদিন ।
পিতৃশ্নেহ নির্বিচার বিকারবিহীন

দেবতার বৃষ্টি-সম, আমার কন্যারে
সেই শুভ স্নেহ হতে কে বঞ্চিত পাবে—
কোন্ শাস্ত্র, কোন্ লোক, কোন্ সমাজের
মিথ্যা বিধি, তুচ্ছ ভয় !

রমাবাই

কোথা যাস ? ফের ।
রে পাপিষ্ঠে, ঐ দেখ্, তোর লাগি প্রাণ
যে দিয়েছে রণভূমে তার প্রাণদান
নিষ্ফল হবে না— তোরে লইবে সে সাথে
বরবেশে, ধরি তোর মৃত্যুপূত হাতে
শূরস্বর্গ-মারো ।—

শুন, যত আছ বীর
তোমরা সকলে ভক্ত ভৃত্য জীবাজির—
এই তাঁর বাক্দত্তা বধু, চিত্তানলে
মিলন ঘটায়ৈ দাও মিলিয়া সকলে,
প্রভুকৃত্য শেষ করো ।

সৈন্তগণ

ধন্য পুণ্যবতী !

অমাবাই

পিতা !

বিনায়ক রাও

ছাড়্ তোরা ।

সৈন্তগণ

যিনি এ নারীর পতি

কাহিনী

তার অভিনাষ মোরা করিব পূরণ ।

বিনায়ক রাও

পতি এ'র স্বধর্মী যবন ।

সেনাপতি

সৈন্যগণ,

বাঁধো বৃদ্ধ বিনায়কে ।

অমাবাই

মাতঃ ! পাপীষসী

পিশাচিনী !

রমাবাই

মূঢ়, তোরা কী করিস বসি ?

বাক্য বাস্তব, করু জয়ধ্বনি !

সৈন্যগণ

জয় জয় !

অমাবাই

নারকিনী !

সৈন্যগণ

জয় জয় !

রমাবাই

রটা বিশ্বাস

সতী অমা ।

সতী

৬৭

অমাবাই

জাগো জাগো, জাগো ধর্মরাজ !

শ্মশানের অধীশ্বর, জাগো তুমি আজ ।

হেরো তব মহারাজ্যে করিছে উৎপাত

ক্ষুদ্র শত্রু— জাগো, তারে করো বজ্রাঘাত

দেবদেব । তব নিত্যধর্মে করো জয়ী

ক্ষুদ্র ধর্ম হতে ।

রমাবাই

বল, জয় পুণ্যময়ী !

বল, জয় সতী !

সৈন্ত্যগণ

জয় জয় পুণ্যবতী !

অমাবাই

পিতা ! পিতা ! পিতা মোর !

সৈন্ত্যগণ

ধন্য ধন্য সতী ।

নরকবাস

নেপথ্যে

কোথা যাও মহারাজ ?

সোমক

কে ডাকে আমারে

দেবদূত ? মেঘলোকে ঘন অন্ধকারে
দেখিতে না পাই কিছু, হেথা ক্রগকাল
রাখো তব স্বর্গরথ ।

নেপথ্যে

ওগো নরপাল,

নেমে এসো । নেমে এসো হে স্বর্গপথিক !

সোমক

কে তুমি, কোথায় আছ ?

নেপথ্যে

আমি সে ঋত্বিক,

মর্তে তব ছিনু পুরোহিত ।

সোমক

ভগবন্,

নিখিলের অশ্রু যেন করেছে সৃজন
বাম্প হয়ে এই মহা-অন্ধকারলোক—
সূর্যচন্দ্রতারাহীন ঘনীভূত শোক
নিঃশব্দে রয়েছে চাপি হুঃস্বপ্ন-মতন
নভস্তল— হেথা কেন তব আগমন !

নরকবাস

৬২

প্রেতগণ

স্বর্গের পথের পার্শ্বে এ বিষাদলোক,
এ নরকপুরী । নিত্য নন্দন-আলোক
দূর হতে দেখা যায়— স্বর্গযাত্রীগণে
অহোরাত্রি চলিয়াছে, রথচক্রস্বনে
নিদ্রাতন্দ্রা দূর করি ঈর্ষাজর্জরিত
আমাদের নেত্র হতে । নিম্নে মর্মরিত
ধরণীর বনভূমি— সপ্ত পারাবার
চিরদিন করে গান, কলধ্বনি তার
হেথা হতে শুনা যায় ।

ঋষিক

মহারাজ, নামো

তব দেবরথ হতে ।

প্রেতগণ

ঋণকাল থামো

আমাদের মাঝখানে । ক্ষুদ্র এ প্রার্থনা
হতভাগ্যদের । পৃথিবীর অশ্রুকণা
এখনো জড়িয়ে আছে তোমার শরীর,
সত্ত্বছিন্ন পুষ্পে যথা বনের শিশির ।
মাটির, ভূণের গন্ধ— ফুলের, পাতার,
শিশুর, নারীর, হায়, বন্ধুর, ভ্রাতার
বহিয়া এনেছ তুমি— ছয়টি ঋতুর
বহুদিনরজনীর বিচিত্র মধুর
স্বপ্নের সৌরভরাশি ।

কাহিনী

সোমক

গুরুদেব, প্রভো,

এ নরকে কেন তব বাস ?

ঋত্বিক

পুত্রে তব

যজ্ঞে দিয়েছিলু বলি— সে পাপে এ গতি
মহারাজ !

প্রেতগণ

কহো সে কাহিনী নরপতি—

পৃথিবীর কথা । পাতকের ইতিহাস
এখনো হৃদয়ে হানে কোতুক-উল্লাস ।
রয়েছে তোমার কণ্ঠে মর্তরাগিণীর
সকল মুর্ছনা, স্মৃৎস্মৃৎকাহিনীর
কক্লণ কম্পন । কহো তব বিবরণ
মানবভাষায় ।

সোমক

হে ছায়াশরীরীগণ,

সোমক আমার নাম, বিদেহভূপতি ।
বহু বর্ষ আরাধিয়া দেব দ্বিজ যতি,
বহু যাগযজ্ঞ করি, প্রাচীন বয়সে
এক পুত্র লভেছিলু— তারি স্নেহবশে
রাত্রিদিন আছিলাম আপনাবিন্মুত ।
সমস্ত-সংসার-সিদ্ধ-মণ্ডিত অমৃত
ছিল সে আমার শিশু । মোর বৃন্ত ভরি

একটি সে শ্বেতপদ্ম, সম্পূর্ণ আবরি
 ছিল সে জীবন মোর ; আমার হৃদয়
 ছিল তারি মুখ'পরে, সূর্য যথা রয়
 ধরণীর পানে চেয়ে । হিমবিন্দুটিরে
 পদ্মপত্র যত ভয়ে ধরে রাখে শিরে
 সেইমত রেখেছিলু তারে । সুকঠোর
 ক্ষত্রধর্ম রাজধর্ম স্নেহপানে মোর
 চাহিত সরোষ চক্ষে ; দেবী বসুন্ধরা
 অবহেলা-অবমানে হইত কাতরা,
 রাজলক্ষ্মী হত লজ্জামুখী ।

সভামাঝে

একদা অমাত্য-সাথে ছিনু রাজকাঞ্জে,
 হেনকালে অন্তঃপুরে শিশুর ক্রন্দন
 পশিল আমার কর্ণে । ত্যজি সিংহাসন
 দ্রুত ছুটে চলে গেলু ফেলি সর্বকাজ ।

ঋত্বিক

সে মুহূর্তে প্রবেশিনু রাজসভামাঝে
 আশিস করিতে নৃপে ধান্যদূর্বাকরে
 আমি রাজপুরোহিত । ব্যগ্রতার ভরে
 আমারে ঠেলিয়া রাজা গেলেন চলিয়া,
 অর্ঘ্য পড়ি গেল ভূমে । উঠিল অলিয়া
 ব্রাহ্মণের অভিমান । ক্রণকাল-পরে
 ফিরিয়া আসিলা রাজা লজ্জিত-অস্তরে ।
 আমি শুধালেম তাঁরে, 'কহো হে রাজন,

কী মহা অনর্থপাত দুর্দৈবঘটন
 ঘটেছিল যার লাগি ব্রাহ্মণেরে ঠেলি
 অন্ধ অবজ্ঞার বশে, রাজকর্ম ফেলি,
 না শুনি বিচারপ্রার্থী প্রজাদের যত
 আবেদন, পররাষ্ট্র হতে সমাগত
 রাজদূতগণে নাহি করি সম্ভাষণ,
 সামন্ত রাজন্যগণে না দিয়া আসন,
 প্রধান অমাত্য-সবে রাজ্যের ভারতা
 না করি জিজ্ঞাসাবাদ, না করি শিষ্টতা
 অতিথি সজ্জন গুণীজনে— অসময়ে
 ছুটি গেলা অন্তঃপুরে মত্তপ্রায় হয়ে
 শিশুর ক্রন্দন শুনি ! ধিক্ মহারাজ,
 লজ্জায় আনতশির ক্ষত্রিয়সমাজ,
 তব মুগ্ধ ব্যবহারে ; শিশুভুজপাশে
 বন্দী হয়ে আছ পড়ি দেখে সবে হাসে
 শক্রদল দেশে দেশে ; নীরব সংকোচে
 বন্ধুগণ সংগোপনে অশ্রুজল মোছে ।’

সোমক

ব্রাহ্মণের সেই তীব্র তিরস্কার শুনি
 অবাক্ হইল সভা । পাত্রমিত্রগুণী
 রাজগণ প্রজাগণ রাজদূত সবে
 আমার মুখের পানে চাহিল নীরবে
 ভীত কোতূহলে । রোষাবেশ ক্ষণতরে
 উত্তপ্ত করিল রক্ত ; মুহূর্তেক-পরে

লজ্জা আসি করি দিল দ্রুত পদাঘাত
 দৃষ্ট রোষসর্পশিরে । করি প্রণিপাত
 গুরুপদে, কহিলাম বিনম্র বিনয়ে,
 ‘ভগবন্, শাস্তি নাই এক পুত্র লয়ে,
 ভয়ে ভয়ে কাটে কাল । মোহবশে তাই
 অপরাধী হইয়াছি— ক্ষমা ভিক্ষা চাই ।
 সাক্ষী থাকো মন্ত্রী-সবে, হে রাজন্যগণ,
 রাজার কর্তব্য কভু করিয়া লঙ্ঘন
 খর্ব করিব না আর ক্ষত্রিয়গৌরব ।’

ঋত্বিক

কুণ্ঠিত আনন্দে সভা রহিল নীরব ।
 আমি শুধু কহিলাম বিদ্বেষের তাপ
 অন্তরে পোষণ করি, ‘এক-পুত্র-শাপ
 দূর করিবারে চাও, পন্থা আছে তারও—
 কিন্তু সে কঠিন কাজ, পারো কি না পারো
 ভয় করি ।’ শুনিয়া সগর্বে মহারাজ
 কহিলেন, ‘নাহি হেন সুকঠিন কাজ
 পারি না করিতে যাহা ক্ষত্রিয়তনয়,
 কহিলাম স্পর্শি তব পাদপদ্মদ্বয় ।’
 শুনিয়া কহিলু মৃদু হাসি, ‘হে রাজন্,
 শুন তবে । আমি করি যজ্ঞ-আয়োজন,
 তুমি হোম করো দিবে আপন সন্তান ।
 তারি মেদগন্ধধূম করিয়া আঘ্রাণ
 মহিষীরা হইবেন শতপুত্রবতী,

কহিলু নিশ্চয় ।' শুনি নীরব নৃপতি
 রহিলেন নতশিরে । সভাস্থ সকলে
 উঠিল ধিক্কার দিয়া উচ্চ কোলাহলে ।
 কর্ণে হস্ত রুধি কহে যত বিপ্রগণ,
 'ধিক্ পাপ এ প্রস্তাব ।' নৃপতি তখন
 কহিলেন ধীরস্বরে, 'তাই হবে প্রভু,
 ক্ষত্রিয়ের পণ মিথ্যা হইবে না কভু ।'
 তখন নারীর আর্ত বিলাপে চৌদিক
 কাঁদি উঠে ; প্রজাগণ করে 'ধিক্ ধিক্' ;
 বিদ্রোহ জাগাতে চায় যত সৈন্যদল
 ঘৃণাভরে । নৃপ শুধু রহিলা অটল ।
 অলিল যজ্ঞের বহি ! যজ্ঞসময়ে
 কেহ নাই— কে আনিবে রাজার তনয়ে
 অস্ত্র:পুর হতে বহি ! রাজভৃত্য-সবে
 আজ্ঞা মানিল না কেহ । রহিল নীরবে
 মন্ত্রীগণ । দ্বাররক্ষী মুছে চক্ষুজল ;
 অস্ত্র ফেলি চলি গেল যত সৈন্যদল ।
 আমি ছিন্নমোহপাশ, সর্বশাস্ত্রজ্ঞানী,
 হৃদয়বন্ধন সব মিথ্যা বলে মানি—
 প্রবেশিলু অস্ত্র:পুরমাঝে । মাতৃগণ
 শত-শাখা-অস্ত্ররালে ফুলের মতন
 রেখেছেন অতিষত্রে বালকেরে ঘেরি
 কাতর উৎকর্ষা-ভরে । শিশু মোরে হেরি
 হাসিতে লাগিল উচ্ছে দুই বাহু তুলি ।

জানাইল অর্ধশুট কাকলি আকুলি—
 ‘মাতৃব্যূহ ভেদ করে নিয়ে যাও মোরে ।’
 বহুকণ বন্দী থাকি খেলাবার তরে
 ব্যগ্র তার শিশু-হিয়া । কহিলাম হাসি,
 ‘মুক্তি দিব এ নিবিড় স্নেহবন্ধ নাশি,
 আয় মোর সাথে ।’ এত বলি বল করি
 মাতৃগণ অঙ্ক হতে লইলাম হরি
 সহাস্ত শিশুরে । পায়ে পড়ি দেবীগণ
 পথ ক্রুধি আর্তকণ্ঠে করিল ক্রন্দন—
 আমি চলে এনু বেগে । বহি উঠে অলি—
 দাঁড়িয়ে রয়েছে রাজা পাষণপুত্রলি ।
 কম্পিত প্রদীপ্ত শিখা হেরি হর্ষভরে
 কলহাস্যে নৃত্য করি প্রসারিত করে
 ঝাঁপাইতে চাহে শিশু । অন্তঃপুর হতে
 শতকণ্ঠে উঠে আর্তস্বর । রাজপথে
 অভিশাপ উচ্চারিয়া যায় বিপ্রগণ
 নগর ছাড়িয়া । কহিলাম, ‘হে রাজন্,
 আমি করি মন্ত্রপাঠ, তুমি এরে লও,
 দাও অগ্নিদেবে ।’

সোমক

ক্রান্ত হও, ক্রান্ত হও,

কহিয়ো না আর ।

প্রভগণ

থামো থামো, থিক্ থিক্ !

কাহিনী

পূর্ণ মোরা বহু পাপে, কিন্তু রে ঋত্বিক,
 শুধু একা তোর তরে একটি নরক
 কেন সৃজে নাই বিধি ! খুঁজে যমলোক
 তব সহবাসযোগ্য নাহি মিলে পাপী ।

দেবদূত

মহারাজ, এ নরকে ক্ষণকাল যাপি
 নিষ্পাপে সহিছ কেন পাপীর যন্ত্রণা ?
 উঠ স্বর্গরথে— থাকৃ বৃথা আলোচনা
 নিদারুণ ঘটনার ।

সোমক

রথ যাও লয়ে

দেবদূত ! নাহি যাব বৈকুণ্ঠ-আলয়ে ।
 তব সাথে মোর গতি নরকমাঝারে
 হে ব্রাহ্মণ ! মত্ত হয়ে ক্ষাত্র অহংকারে
 নিজ কর্তব্যের ক্রটি করিতে ক্ষালন ।
 নিষ্পাপ শিশুরে মোর করেছি অর্পণ
 হতশনে, পিতা হয়ে । বীর্য আপনার
 নিন্দুকসমাজমাঝে করিতে প্রচার
 নরধর্ম রাজধর্ম পিতৃধর্ম হায়
 অনলে করেছি ভস্ম । সে পাপজালায়
 অলিয়াছি আমরণ— এখনো সে তাপ
 অস্তরে দিতেছে দাগি নিত্য অভিশাপ ।
 হায় পুত্র, হায় বংশ নবনীনির্মল
 করুণ কোমলকান্ত, হা মাতৃবংশল,

একান্ত নির্ভরপর পরম দুর্বল
 সরল চঞ্চল শিশু পিতৃ-অভিমानी,
 অগ্নিরে খেলনা-সম পিতৃদান জানি
 ধরিলি হু-হাত মেলি বিশ্বাসে নির্ভয়ে ।
 তার পরে কী ভৎসনা ব্যধিত বিশ্বয়ে
 ফুটিল কাতর চক্ষে বহ্নিশিখাতলে
 অকস্মাৎ । হে নরক, তোমার অনলে
 হেন দাহ কোথা আছে যে জ্বিনিতে পারে
 এ অন্তরতাপ ? আমি যাব স্বর্গদ্বারে !
 দেবতা ভুলিতে পারে এ পাপ আমার,
 আমি কি ভুলিতে পারি সে দৃষ্টি তাহার,
 সে অস্তিম অভিমান ! দগ্ধ হব আমি
 নরক-অনল-মাঝে নিত্য দিনযামী,
 তবু বৎস, তোর সেই নিমেষের বাধা,
 আচম্বিতে বহ্নিদাহে ভীত কাতরতা
 পিতৃমুখপানে চেয়ে, পরম বিশ্বাস
 চকিতে হইয়া ভঙ্গ মহা নিরাশ্বাস—
 তার নাহি হবে পরিশোধ !

ধর্মের প্রবেশ

ধর্ম

মহারাজ,

স্বর্গ অপেক্ষিয়া আছে তোমা-তরে আজ
 চলো দ্বরা করি ।

কাহিনী

সোমক

সেধা মোর নাহি স্থান

ধর্মরাজ ! বধিয়াছি আপন সন্তান
বিনা পাপে ।

ধর্ম

করিয়াছ প্রায়শ্চিত্ত তার
অস্তুর-নরকানলে । সে পাপের ভার
ভঙ্গ্য হয়ে ক্ষয় হয়ে গেছে । যে ব্রাহ্মণ
বিনা চিন্তপরিতোপে পরপুত্রধন
স্নেহবন্ধ হতে ছিঁড়ি করেছে বিনাশ
শাস্ত্রজ্ঞান-অভিমানে, তারি হেথা বাস
সমুচিত ।

ঐত্বিক

যেয়ো না, যেয়ো না তুমি চলে
মহারাজ, সর্পশীর্ষ তীর ঈর্ষানলে
আমারে ফেলিয়া রাখি যেয়ো না, যেয়ো না
একাকী অমরলোকে । নূতন বেদনা
বাড়ায়ো না বেদনায় তীর দুর্বিষহ,
সৃজিয়ো না দ্বিতীয় নরক । রহো রহো,
মহারাজ, রহো হেথা ।

সোমক

রব তব সহ

হে দুর্ভাগা ! তুমি আমি মিলি অহরহ

করিব দারুণ হোম, সুদীর্ঘ ষড়্জন
 বিরাট নরকহত্যাশনে । ভগবন্,
 যতকাল ঋত্বিকের আছে পাপভোগ
 ততকাল তার সাথে করো মোরে ষোগ—
 নরকের সহবাসে দাও অনুমতি ।

ধর্ম

মহান্ গৌরবে হেথা রহো মহীপতি !
 ভালের তিলক হোক দুঃসহ দহন,
 নরকাগ্নি হোক তব স্বর্ণসিংহাসন ।

প্রেতগণ

জয় জয় মহারাজ, পুণ্যফলত্যাগী,
 নিষ্পাপ নরকবাসী, হে মহাবৈরাগী,
 পাপীর অস্তরে করো গৌরব সঞ্চারণ
 তব সহবাসে । করো নরক উদ্ধারণ ।
 বোসো আসি দীর্ঘযুগ মহাশক্র-সনে
 প্রিয়তম মিত্র-সম এক দুঃখাসনে ।
 অতি-উচ্চ বেদনার আয়েয় চূড়ায়
 অলস্ত মেঘের সাথে দীপ্তসূর্যপ্রায়
 দেখা যাবে তোমাদের যুগল মুরতি—
 নিত্যকাল-উদ্ভাসিত অনির্বাণজ্যোতি ।

কর্ণকুস্তীসংবাদ

কর্ণ

পুণ্য জাহ্নবীর তীরে সন্ধ্যাসবিতার
বন্দনায় আছি রত । কর্ণ নাম যার,
অধিরথসূতপুত্র, রাধাগর্ভজাত,
সেই আমি— কহো মোরে তুমি কে গো মাতঃ ।

কুস্তী

বৎস, তোর জীবনের প্রথম প্রভাতে
পরিচয় করায়েছি তোরে বিশ্ব-সাথে,
সেই আমি, আসিয়াছি ছাড়ি সর্ব লাজ
তোরে দিতে আপনার পরিচয় আজ ।

কর্ণ

দেবী, তব নতনেত্রকিরণসম্পাতে
চিত্ত বিগলিত মোর, সূর্যকরঘাতে
শৈলভুষারের মতো । তব কণ্ঠস্বর
যেন পূর্বজন্ম হতে পশি কর্ণ-'পর
জাগাইছে অপূর্ব বেদনা । কহো মোরে,
জন্ম মোর বাঁধা আছে কী রহস্তডোরে
তোমা-সাথে হে অপরিচিতা !

কুস্তী

ধৈর্য ধরু

ওরে বৎস, ক্ষণকাল । দেব দিবাকর
আগে যাক অন্তাচলে । সন্ধ্যার তিমির

আসুক নিবিড় হয়ে ।— কহি তোরে বীর,
কুন্তী আমি ।

কর্ণ

তুমি কুন্তী ! অর্জুনজননী !

কুন্তী

অর্জুনজননী বটে, তাই মনে গণি
দ্বেষ করিয়ো না বৎস ! আজও মনে পড়ে
অস্ত্রপরীক্ষার দিন হস্তিনানগরে
তুমি ধীরে প্রবেশিলে তরুণ কুমার
রঙ্গস্থলে, নক্ষত্রখচিত পূর্বাশার
প্রান্তদেশে নবোদিত অরুণের মতো ।
যবনিকা-অস্তুরালে নারী ছিল যত
তার মধ্যে বাক্যহীনা কে সে অভাগিনী
অতৃপ্ত স্নেহক্ষুধার সহস্র নাগিনী
জাগায়ে জর্জর বক্ষে — কাহার নয়ন
তোমার সর্বাঙ্গে দিল আশিসূচন ?
অর্জুনজননী সে যে ! যবে কপ আসি
তোমারে পিতার নাম শুধালেন হাসি,
কহিলেন, 'রাজকূলে জন্ম নহে যার
অর্জুনের সাথে যুদ্ধে নাহি অধিকার'—
আরক্ত আনত মুখে না রহিল বাণী,
দাঁড়ায়ে রহিলে, সেই লজ্জা-আভাধানি

কাহিনী

দছিল যাহার বন্ধ অগ্নিসম তেজে
 কে সে অভাগিনী ? অজুনজননী সে যে ।
 পুত্র দুর্ঘোষন ধন, তখনি তোমারে
 অদ্বন্দ্বো কৈল অভিষেক । ধন্য তারে ।
 মোর দুই নেত্র হতে অশ্রুবারিরাশি
 উদ্দেশে তোমারি শিরে উচ্ছৃঙ্গিল আসি
 অভিষেক-সাথে ! হেনকালে করি পথ
 রঙ্গমাঝে পশিলেন সূত অধিরথ
 আনন্দবিহ্বল । তখনি সে রাজসাজে
 চারি দিকে কুতূহলী জনতার মাঝে
 অভিষেকসিক্ত শির লুটায় চরণে
 সূতবৃদ্ধে প্রণমিলে পিতৃসম্ভাষণে ।
 কুর হাশ্বে পাণ্ডবের বন্ধুগণ সবে
 ধিকারিল ; সেই ক্ষণে পরম গরবে
 বীর বলি যে তোমারে, ওগো বীরমণি,
 আশিসিল, আমি সেই অজুনজননী ।

কর্ণ

প্রণমি তোমারে আর্ষে ! রাজমাতা তুমি,
 কেন হেথা একাকিনী— এ যে রণভূমি,
 আমি কুরুসেনাপতি ।

কৃষ্ণ

পুত্র, ভিক্ষা আছে—
 বিফল না ফিরি যেন ।

কর্ণ

ভিক্ষা, মোর কাছে !

আপন পৌরুষ ছাড়া, ধর্ম ছাড়া আর
যাহা আজ্ঞা করো দিব চরণে তোমার ।

কুন্তী

এসেছি তোমারে নিতে ।

কর্ণ

কোথা লবে মোরে !

কুন্তী

ভূষিত বন্ধের মাঝে— লব মাতৃক্রোড়ে ।

কর্ণ

পঞ্চপুত্রে ধন্য তুমি, তুমি ভাগ্যবতী—
আমি কুলশীলহীন ক্ষুদ্র নরপতি
মোরে কোথা দিবে স্থান ?

কুন্তী

সর্ব-উচ্চভাগে,

তোমারে বসাব মোর সর্বপুত্র-আগে,
ষোষ্ঠ পুত্র তুমি ।

কর্ণ

কোন্ অধিকারমদে
প্রবেশ করিব সেথা ? সাম্রাজ্যসম্পদে

বঞ্চিত হয়েছে যারা, মাতৃস্নেহ ধনে
 তাহাদের পূর্ণ অংশ খণ্ডিত কেমনে
 কহো মোরে । দ্যুতপণে না হয় বিক্রয়,
 বাহুবলে নাহি হারে মাতার হৃদয়—
 সে যে বিধাতার দান ।

কুন্তী

পুত্র মোর ওরে,
 বিধাতার অধিকার লয়ে এই ক্রোড়ে
 এসেছিলি একদিন— সেই অধিকারে
 আয় ফিরে সগৌরবে, আয় নিবিচারে ;
 সকল ভ্রাতার মাঝে মাতৃ-অঙ্কে মম
 লহো আপনার স্থান ।

কর্ণ

শুনি স্বপ্নসম,
 হে দেবী, তোমার বাণী । হেরো অন্ধকার
 ব্যাপিয়াছে দিগ্বিদিকে, লুপ্ত চারি ধার—
 শব্দহীনা ভাগীরথী । গেছ মোরে লয়ে
 কোন্ মায়াচ্ছন্ন লোকে, বিস্মৃত আলয়ে
 চেতনাপ্রত্যাষে ! পুরাতন সত্য-সম
 তব বাণী স্পর্শিতেছে মুগ্ধ চিত্ত মম ।
 অক্ষুট শৈশব কাল যেন রে আমার,
 যেন মোর জননীর গর্ভের আধার
 আমারে ঘেরিছে আজি । রাজমাতঃ অয়ি,
 সত্য হোক স্বপ্ন হোক, এসো স্নেহময়ী,

তোমার দক্ষিণ হস্ত ললাটে চিবুকে
 রাখো ক্রণকাল । শুনিয়াছি লোকমুখে,
 জননীর পরিতাপ্ত আমি । কতবার
 হেরেছি নিশীথস্বপ্নে, জননী আমার
 এসেছেন ধীরে ধীরে দেখিতে আমায়—
 কাঁদিয়া কহেছি তাঁরে কাতর ব্যথায়
 ‘জননী, গুণ্ঠন খোলো, দেখি তব মুখ’—
 অমনি মিলায় মূর্তি তৃষার্ত উৎসুক
 স্বপনেরে ছিন্ন করি ! সেই স্বপ্ন আজি
 এসেছে কি পাণ্ডবজননীরূপে সাজি
 সন্ধ্যাকালে, রণক্ষেত্রে, ভাগীরথীতীরে !
 হেরো দেবী, পরপারে পাণ্ডবশিবিরে
 জ্বলিয়াছে দীপালোক, এ পারে অদূরে
 কোরবের মন্দুরায় লক্ষ অশ্বখুরে
 খর শব্দ উঠিছে বাজিয়া । কালি প্রাতে
 আরম্ভ হইবে মহারণ । আজ রাতে
 অর্জুনজননীকণ্ঠে কেন শুনিলাম
 আমার মাতার স্নেহস্বর ! মোর নাম
 তাঁর মুখে কেন হেন মধুর সংগীতে
 উঠিল বাজিয়া— চিত্ত মোর আচম্বিতে
 পঞ্চপাণ্ডবের পানে ‘ভাই’ বলে ধায় !

কুস্তী

তবে চলে আয়, বৎস, তবে চলে আয় ।

কাহিনী

কর্ণ

যাব, মাতঃ, চলে যাব, কিছু শুধাব না—
 না করি সংশয় কিছু, না করি ভাবনা ।
 দেবী, তুমি মোর মাতা । তোমার আস্থানে
 অন্তরাত্মা জাগিয়াছে— নাহি বাজে কানে
 যুদ্ধভেরী, জয়শব্দ— মিথ্যা মনে হয়
 রণহিংসা, বীরখ্যাতি, জয়পরাজয় ।
 কোথা যাব, লয়ে চলো ।

কুন্তী

ওই পরপারে
 যেথা অলিতেছে দীপ শুরু স্ফুকাবারে
 পাণ্ডুর বালুকাতটে ।

কর্ণ

হোথা মাতৃহারা
 মা পাইবে চিরদিন ! হোথা ধ্রুবতারী
 চিররাত্রি রবে জাগি সুন্দর উদার
 তোমার নয়নে ! দেবী, কহো আরবার,
 আমি পুত্র তব ।

কুন্তী

পুত্র মোর !

কর্ণ

কেন তবে
 আমারে কেলিয়া দিলে দূরে অগৌরবে

কুলশীলমানহীন মাতৃনেত্রহীন
 অন্ধ এ অজ্ঞাত বিশ্বে ? কেন চিরদিন
 ভাসাইয়া দিলে মোরে অবজ্ঞার স্রোতে ?
 কেন দিলে নির্বাসন ভ্রাতৃকুল হতে ?
 রাখিলে বিচ্ছিন্ন করি অজু'নে আমারে—
 তাই শিশুকাল হতে টানিছে দৌহারে
 নিগুঢ় অদৃশ্য পাশ হিংসার আকারে
 দুর্নিবার আকর্ষণে ।— মাতঃ, নিরুত্তর ?
 লজ্জা তব ভেদ করি অন্ধকার স্তর
 পরশ করিছে মোরে সর্বাঙ্গে নীরবে,
 মুদিয়া দিতেছে চক্ষু । থাক্, থাক্ তবে ।
 কহিয়ো না, কেন তুমি ত্যজিলে আমারে
 বিধির প্রথম দান এ বিশ্বসংসারে
 মাতৃস্নেহ, কেন সেই দেবতার ধন
 আপন সন্তান হতে করিলে হরণ
 সে কথার দিয়ো না উত্তর । কহো মোরে,
 আজি কেন ফিরাইতে আসি . . . ছে ক্রোড়ে

কুস্তী

হে বৎস, ভর্ৎসনা তোর শতবজ্রসম
 বিদীর্ণ করিয়া দিক এ হৃদয় মম
 শতখণ্ড করি । ত্যাগ করেছিনু তোরে,
 সেই অভিশাপে, পঞ্চপুত্র বন্ধে করে
 তবু মোর চিত্ত পুত্রহীন— তবু হায়,
 তোরি লাগি বিশ্বমাঝে বাহু মোর ধায়,

কাহিনী

কুন্তী

বীর তুমি, পুত্র মোর,
 ধন্য তুমি ! হায় ধর্ম, এ কী স্ককঠোর
 দণ্ড তব ! সেইদিন কে জানিত হায়
 ত্যজিলাম যে শিশুরে ক্ষুদ্র অসহায়,
 সে কখন বলবীর্ষ লভি কোথা হতে
 ফিরে আসে একদিন অন্ধকার পথে,
 আপনার জননী কোলের সন্তানে
 আপন নির্মম হস্তে অস্ত্র আসি হানে ।
 এ কী অভিশাপ !

কর্ণ

মাতঃ, করিয়ো না ভয় ।
 কহিলাম, পাণ্ডবের হইবে বিজয় ।
 আজি এই রজনীর তিমিরফলকে
 প্রত্যক্ষ করি নু পাঠ নক্ষত্র আলোকে
 যোর যুদ্ধফল । এই শাস্ত স্তব্ধ রূপে
 অনন্ত আকাশ হতে পশিতেছে মনে
 জয়হীন চেষ্টার সংগীত, আশাহীন
 কর্মের উদ্ভম— হেরিতেছি শাস্তিময়
 শূন্য পরিণাম ! যে পক্ষের পরাজয়
 সে পক্ষ তাজিতে মোরে কোরো না আহ্বান ।
 জয়ী হোক, রাজা হোক পাণ্ডবসন্তান—
 আমি রব নিষ্ফলের, হতাশের দলে ।
 অগ্ন্যরাতে ফেলে গেছ মোরে ধরাতলে

নামহীন, গৃহহীন— আজিও তেমনি
আমারে নির্মমচিত্তে তেয়াগো, জননী,
দীপ্তিহীন কীর্তিহীন পরাতব-'পরে ।
শুধু এই আশীর্বাদ দিয়ে যাও মোরে—
জয়লোভে যশোলোভে রাজ্যলোভে, অয়ি,
বীরের সদগতি হতে ভ্রষ্ট নাহি হই ।

কাহিনী

কত কাজ করে একটা মানুষে !
দিনে দিনে হল শরীর নষ্ট—

কল্যাণী

কেন, এত তোর কিসের কষ্ট !

কারো

যেথা যত আছে রামী ও বামী
সকলেরই যেন গোলাম আমি ।
হোক ব্রাহ্মণ, হোক শুদ্ধুর,
সেবা করে মরি পাড়াসুদ্ধুর ।
ঘরেতে কারো তো চড়ে না অন্ন,
তোমারি ঠাড়ারে নিমন্তন্ন ।
হাড় বের হল বাসন মেজে,
সৃষ্টির পান-তামাক সেজে ।
একা একা এত খেটে যে মরি,
মায়া দয়া নেই ?

কল্যাণী

সে দোষ তোরি ।

চাকর দাসী কি টিকিতে পারে
তোমার প্রথর মুখের ধারে ?
লোক এলে তুই তাড়াবি তাদের,
লোক গেলে শেষে আর্তনাদের
ধুম পড়ে যাবে— এর কি পথি
আছে কোনোরূপ !

ক্ষীরো

সে কথা সত্যি !

সয় না আমার— তাড়াই সাথে !

অন্যায় দেখে পরাণ কাঁদে ।

কোথা থেকে যত ডাকাত ছোটে,

টাকাকড়ি সব দু হাতে লোটে ।

আমি না তাদের তাড়াই যদি

তোমারে তাড়াত আমারে বধি ।

কল্যাণী

ডাকাত মাধবী, ডাকাত মাধু,

সবাই ডাকাত, তুমিই সাধু !

ক্ষীরো

আমি সাধু ! মা গো এমন মিথ্যে

মুখেও আনি নে, ভাবি নে চিন্তে ।

নিই থুই খাই দু হাত ভরি,

দু বেলা তোমায় আশিস করি !

কিন্তু তবু সে দু হাত-'পরে

দু মুঠোর বেশি কতই ধরে ?

ধরে যত আন' মানুষ-জনকে

তত বেড়ে যায় হাতের সংখ্যে ।

হাত যে সৃজন করেছে বিধি

নেবার জন্যে জান তো দিদি !

পাড়াপড়শির দৃষ্টি থেকে

কিছু আপনার রাখো তো ঢেকে,

কাহিনী

তার পরে বেশি রহিলে বাকি
চাকর-বাকর আনিয়ো ডাকি ।

কল্যাণী

একা বটে তুমি ! তোমার সাধি
ভাইপো ভাইঝি নাতনি নাতি—
হাট বসে গেছে সোনার টাঁদের,
ছুটো করে হাত নেই কি তাঁদের !
তোমর কথা শুনে কথা না সরে,
হাসি পায় ফের রাগও ধরে ।

ক্ষীরো

বেশি রেগে যদি কম হাসি পেত
স্বভাব আমার শুধরিয়ে যেত ।

কল্যাণী

ম'লেও যাবে না স্বভাবখানি,
নিশ্চয় জেনো ।

ক্ষীরো

সে কথা মানি ।

তাই তো ভরসা মরণ মোরে
নেবে না সহসা সাহস ক'রে ।
ওই-যে তোমার দরজা জুড়ে
বসে গেছে যত দেশের কুঁড়ে—
কারো বা স্বামীর ছোটে না খাণ্ড,
কারো বা বেটার মামীর শ্রাদ্ধ ।
মিছে কথা বুড়ি ভরিয়া আনে,

নিয়ে যায় বুড়ি ভরিয়া দানে ;
 নিতে চায় নিক, কত যে নিচ্ছে—
 চোখে ধুলো দেবে সেটা কি ইচ্ছে !

কল্যাণী

কেন তুই মিছে মরিস ব'কে ।
 ধুলো দেয়, ধুলো লাগে না চোখে ।
 বুঝি আমি সব, এটাও জানি—
 তারা যে গরিব, আমি যে রানী ।
 কাকি দিয়ে তারা ঘোচায় অভাব—
 আমি দিই, সেটা আমার স্বভাব ।
 তাদের সুখ সে তারাই জানে,
 আমার সুখ সে আমার প্রাণে ।

কীরো

নুন খেয়ে গুণ গাহিত কড়ু,
 দিয়ে-থুয়ে সুখ হইত তবু ।
 সামনে প্রণাম পদারবিন্দে
 আড়ালে তোমার করে যে নিন্দে ।

কল্যাণী

সামনে যা পাই তাই যথেষ্ট,
 আড়ালে কী ঘটে জানেন কেউ ।
 সে যাই হোক গে, শুধাই তোরে—
 কাল বৈকালে, বল তো মোরে,
 অতিধিসেবায় অনেকগুলি

কাহিনী

কম পড়েছিল চন্দ্রপুলি—
কেন বা ছিল না মস্করা ?

কীরো

কেন করো মিছে মস্করা
দিদিঠাক্করন ! আপন হাতে
গুনে দিয়েছিনু সবার পাতে
ছুটো ছুটো ক'রে ।

কল্যাণী

আপন চোখে
দেখেছি পায় নি সকল লোকে,
খালি পাত—

কীরো

ওমা ! তাই তো বলি—
কোথায় তলিয়ে যায় যে চলি
যত সামিগ্রি দিই আনিয়ে ।
ভোলা ময়রার শয়তানি এ ।

কল্যাণী

এক বাটি করে ছুধ বরাদ্দ,
আধ বাটি তাও পাওয়া অসাধ্য ?

কীরো

গয়লা তো নন যুধিষ্ঠির ।
যত বিষ তব কুদৃষ্টির

পড়েছে আমার গোড়া অদৃষ্টে,
যত কাঁটা সব আমারি পৃষ্ঠে,
হায় হায়—

কল্যাণী

তের হয়েছে, আর না—
রেখে দাও তব মিথ্যে কান্না ।

ক্ষীরো

সত্যি কান্না কাঁদেন যারা
ওই আসছেন কোঁটিয়ে পাড়া ।

প্রতিবেশিনীগণের প্রবেশ

প্রতিবেশিনীগণ

জয় জয় রানী, হও চিরজয়ী !
কল্যাণী তুমি কল্যাণময়ী !

ক্ষীরো

ওগো রানীদিদি, শোন্ ওই শোন্—
পাতে যদি কিছু হত অকুলোন
এত গলা ছেড়ে এত খুলে প্রাণ
উঠিত কি তবে জয়-জয় তান ?
যদি দু-চারটে চন্দ্রপুলি
দৈবগতিকে দিতে না তুলি
তা হলে কি আর রক্ষে থাকত—
হজম করতে বাপকে ডাকত ।

কাহিনী

কল্যাণী

আজ তো খাবার হয় নি কষ্ট ?

প্রথম

কত পাতে পড়ে হয়েছে নষ্ট—
লক্ষ্মীর ঘরে খাবার ক্রটি !

কল্যাণী

ই্যা গো, কে তোমার সঙ্গে উটি ?
আগে তো দেখি নি ।

দ্বিতীয়

আমার মধু,

তারি উটি হয় নতুন বধু—
এনেছি দেখাতে তোমার চরণে
মা জননী !

ক্ষীরো

সেটা বুঝিছি ধরণে ।

দ্বিতীয়

বধুর প্রতি

প্রণাম করিবে, এসো ইদিকে,
এই-যে তোমার রানীদিদিকে ।

কল্যাণী

এসো কাছে এসো, লজ্জা কাদের ?

আংটি পরাইয়া

আহা, মুখখানি দিব্যি ছাঁদের,
চেয়ে দেখ্ কীরি !

কীরো

মুখটি তো বেশ,
তা চেয়ে তোমার আংটি সরেশ ।

দ্বিতীয়া

শুধু রূপ নিয়ে কী হবে অঙ্গে !
সোনা দানা কিছু আনে নি সঙ্গে ।

কীরো

যাহা এনেছিল সবি সিন্দুকে
রেখেছ যতনে, বলে নিন্দুকে ।

কল্যাণী

এসো ঘরে এসো ।

কীরো

যাও গো ঘরে
সোনা পাবে শুধু বানির দরে ।

[কল্যাণী ও বধু-সহ দ্বিতীয়ার প্রস্থান

প্রথম

দেখলি মাগির কাণ্ড একি ।

কীরো

কারে বাদ দিয়ে কারে বা দেখি ।

তৃতীয়া

তা বলে এতটা সহ হয় না ।

কাহিনী

ক্ষীরো

অগ্নের বউ পরলে গয়না
অগ্নের তাতে অলে যে অঙ্গ ।

তৃতীয়

মাসি, জান তুমি কতই রঙ্গ—
এত ঠাট্টাও আছে তোর পেটে
হাসতে হাসতে নাড়ী যায় ফেটে ।

প্রথম

কিন্তু, যা বলো, আমাদের মাতা
নাই তাঁর মতো এত বড়ো দাতা ।

ক্ষীরো

অর্থাৎ কিনা, এত বড়ো হাবা
জন্ম দেয় নি আর কারো বাবা ।

তৃতীয়

সে কথা মিথ্যে নয় নিতান্ত ।
দেখ-না সেদিন কুশী ও ক্ষান্ত
কী ঠকান্টিই ঠকালে মা গো !
আহা মাসি, তুমি সাথে কি রাগো !
আমাদেরই গায়ে হয় অসহ ।

চতুর্থ

বুড়ো মহারাজা যে ঐশ্বর্য
রেখে গেছে সে কি এমনি ভাবে
পাঁচ ভূতে শুধু ঠকিয়ে খাবে !

প্রথম

দেখলি তো ভাই, কানা আন্দ্রি
কত টাকা পেলে ?

তৃতীয়

বুড়ি ঠানদি

জুড়ে দিলে তার কান্না-অস্ত্র,
নিয়ে গেল কত শীতের বস্ত্র ।

চতুর্থ

বুড়ি মাগি, তার শীত কি এতই !
কাঁধা হলে চলে, নিয়ে গেল লুই !
আছে সেটা শেষে চোরের ভাগ্যে—
এ যে বাড়াবাড়ি ।

প্রথম

সে কথা যাগ্গে ।

চতুর্থ

না না, তাই বলি, হও-নাকো দাতা,
তা বলে খাবে কি বুদ্ধির মাথা !
যত রাক্ষোর ছুঃখী কাঙাল,
যত উড়ে মেড়ো খোটা বাঙাল,
কানা খোঁড়া নুলো যে আসে মরতে,
বাচ-বিচার কি হবে না করতে !

তৃতীয়

দেখ্ না ভাই, সে গোপালের মাকে

কাহিনী

তু টাকা দিলেই খেয়ে প'রে থাকে—
পাঁচ টাকা তার মাসে বরাদ্দ,
এ যে মিছিমিছি টাকার শ্রাদ্ধ ।

চতুর্থী

আসল কথা কি, ভালো নয় থাকা
মেয়েমানুষের এতগুলো টাকা !

তৃতীয়া

কত লোকে কত করে যে রটনা—

প্রথম

সেগুলো তো সব মিথ্যে ঘটনা ।

চতুর্থী

সত্যি মিথ্যে দেবতা জানে,
রটেছে তো কথা পাঁচের কানে—
সেটা যে ভালো না ।

প্রথম

যা বলিস, ভাই,

এমন মানুষ ভূভারতে নাই ।
ছোটো-বড়ো-বোধ নাইকো মনে,
মিষ্টি কথাটি সবার মনে ।

কীরো

টাকা যদি পাই বাক্স ভ'রে
আমার গলাও গলাবে তোরে ।
'বাপু' বললেই মিলবে স্বর্গ,

X | 'বাছা' বললেই বলবি 'ধরু গো' ।
মনে ঠিক জেনো, আসল মিষ্টি
কথার সঙ্গে রূপোর বৃষ্টি ।

চতুর্থী

তাও বলি বাপু, এটা কিছু বেশি—
সবার সঙ্গে এত মেশামেশি ।
বড়ো লোক তুমি ভাগিয়মন্ত,
সেইমত চাই চাল-চলন তো ?

তৃতীয়া

দেখলি, সেদিন শশীর বাঁ গালে
আপনার হাতে ওষুধ লাগালে !

চতুর্থী

বিধু খোঁড়া সেটা নেহাত বাঁদর,
তারে কেন এত যত্ন আদর !

তৃতীয়া

কত লোক আছে, কেদারের মাকে
কেন বলা দেখি দিনরাত ডাকে ।
গয়লাপাড়ার কেঁচদাসী
তারি সাথে কত গল্প হাসি—
যেন সে কতই বন্ধু পুরোনো ।

চতুর্থী

ওগুলো লোকের আদর কুড়োনো ।

কাহিনী

কাহিনী

এ সংসারের ওই তো প্রথা,
 দেওয়া নেওয়া ছাড়া নেইকো কথা ।
 ভাত তুলে দেন মোদের মুখে,
 নাম তুলে নেন পরম সুখে ।
 ভাত মুখে দিলে তখনি ফুরোয়,
 নাম চিরদিন কর্ণ জুড়োয় ।

চতুর্থী

ওই বউ নিয়ে ফিরে এল নেকি ।

বধূসহ দ্বিতীয়ার প্রবেশ

প্রথম

কী পেলি লো বিধু, দেখি দেখি দেখি ।

দ্বিতীয়া

শুধু একজোড়া রতনচক্র ।

তৃতীয়া

বিধি আজ তোরে বড়োই বক্র ।
 এত ঘট করে নিয়ে গেল ডেকে,
 ভেবেছিল দেবে গয়না গা ঢেকে ।

চতুর্থী

মেয়ের বিয়েতে পেয়ারি বুড়ি
 পেয়েছিল হার, তা ছাড়া চুড়ি ।

দ্বিতীয়

আমি যে গরিব নই যথেষ্ট,
গরিবিআনায় সে মাগি শ্রেষ্ঠ ।
অদৃষ্টে যার নেইকো গয়না
গরিব হয়ে সে গরিব হয় না ।

চতুর্থী

বড়ো মানুষের বিচার তো নেই ।
কারেও বা তাঁর ধরে না মনেই,
কেউ বা তাঁহার মাথার ঠাকুর ।

প্রথম

টাকাটা সিকেটা কুমড়ো কাঁকুড়
যা পাই সে ভালো, কে দেয় তাই বা ?

দ্বিতীয়

অবিচারে দান দিলেন নাই বা ।
মাথা বাঁধা রেখে পায়ের নীচে
ভরি কত সোনা পেলেম মিছে ।

তৃতীয়

মালম্মী যদি হতেন সদয়
দেখিয়ে দিতেন দান কারে কয় ।

দ্বিতীয়

আহা, তাই হোক, লক্ষ্মীর বরে
তোর ঘরে যেন টাকা নাহি ধরে ।

কাহিনী

দেবতারে নিয়ে বানাবে দত্তি,
কলিকাল তবে হবে তো সত্তি ।

চতুর্থী

মিথ্যে না ভাই ! সামলে চলিস
যাই মুখে আসে তাই যে বলিস ।
পালন যে করে সে হল মা-বাপ,
তাহারি নিন্দে সে যে মহাপাপ ।
এমন লক্ষ্মী, এমন সতী
কোথা আছে হেন পুণ্যবতী ?
যেমন ধনের কপাল মস্ত
তেমনি দানের দরাজ হস্ত,
যেমন রূপসী তেমনি সাধ্বী—
খুঁত ধরে তাঁর কাহার সাধ্বী !
দিস নেকো দোষ তাঁহার নামে ।

তৃতীয়

তুমি ধামলে যে অনেক ধামে ।

দ্বিতীয়

আহা, কোথা হতে এলেন গুরু !
হিতকথা আর কোরো না গুরু ।
হঠাৎ ধর্মকথার পাঠটা
তোমার মুখে যে শোনার ঠাটা ।

ক্ষীরো

ধর্মও রাখো, বাগড়াও থাকু,
গলা ছেড়ে আর বাড়িয়ে না ঢাক ।
পেট ভরে খেলে, করলে নিন্দে,
বাড়ি ফিরে গিয়ে শুকো গোবিন্দে ।

[প্রতিবেশিনীগণের প্রশ্ন

ওরে বিনি, ওরে কিনি, ওরে কাশী !

বিনি কিনি কাশীর প্রবেশ

কাশী

কেন দিদি ?

কিনি

কেন খুড়ি ?

বিনি

কেন মাসি ?

ক্ষীরো

ওরে খাবি' আয় ।

বিনি

কিছু নেই খিদে ।

ক্ষীরো

খেয়ে নিতে হয় পেলেই সুবিধে ।

কিনি

রসূকরা খেয়ে পেট বড়ো ভার ।

ক্ষীরো

বেশি কিছু নয়, শুধু গোটা চার

ভোলা ময়রার চন্দ্রপুলি
 দেখ্ দেখি ওই ঢাকনা খুলি—
 তাই মুখে দিয়ে ছ'বাটখানিক
 দুধ খেয়ে শোও লক্ষ্মীমানিক ।

কানী

কত খাব দিদি, সমস্ত দিন ।

কীরো

খাবার তো নয় খিদের অধীন ।
 পেটের জ্বালায় কত লোকে ছোটে,
 খাবার কি তার মুখে এসে জ্বোটে ?
 হুঃখী গরিব কাঙাল ফতুর
 চাষাভুষো মুটে অনাথ অতুর
 কারো তো খিদের অভাব হয় না—
 চন্দ্রপুলিটা সবার রয় না ।
 মনে রেখে দিস যেটার যা দর
 খাবার চাইতে খিদের আদর ।
 হাঁ রে বিনি, তোর চিকুনি রূপোর
 দেখছি নে কেন খোঁপার উপর ?

বিনি

সেটা ও-পাড়ার খেতুর মেয়ে
 কেঁদেকেটে কাল নিয়েছে চেয়ে ।

কীরো

ওই রে, হয়েছে মাথাটি খাওয়া ।
তোমারও লেগেছে দাতার হাওয়া !

বিনি

আহা, কিছু তার নেই যে মাসি !

কীরো

তোমারি কি এত টাকার রাশি ?
গরিব লোকের দয়ামায়ী রোগ
সেটা যে একটা ভারি দুর্যোগ ।
না না, যাও তুমি মায়ের বাড়িতে—
হেথাকার হাওয়া সবে না নাড়ীতে ।
রানী যত দেয় ফুরোয় না, তাই ।
দান ক'রে তার কোনো ক্ষতি নাই ।
তুই যেটা দিলি রইল না তোয়,
এতেও মনটা হয় না কাতর ?
ওরে বোকা মেয়ে, আমি আরো তোরে
আনিয়ে নিলেম এই মনে করে
কী করে কুড়োতে হইবে শিক্ষে
মোর কাছে তাই করবি শিক্ষে ।
কে জানত, তুই পেট না ভরতে
উল্টো বিড়ে শিখবি মরতে !—
দুধ যে রইল বাটির তলায়,
ওইটুকু বুঝি গলে না গলায় ?
আমি মরে গেলে যত মনে আশ

কাহিনী

কোরো দান ধ্যান আর উপবাস ।
 যতদিন আমি রয়েছি বর্তে
 দেব না করতে আশ্রহতে ।
 খাওয়াদাওয়া হল, এখন তবে
 রাত হল ঢের, শোও গে সবে ।

[কিনি বিনি কাশীর প্রহান

কল্যাণীর প্রবেশ

ওগো দিদি, আমি বাঁচি নে তো আর—

কল্যাণী

সেটা বিশ্বাস হয় না আমার ।
 তবু কী হয়েছে শুনি ব্যাপারটা ।

কীরো

মাইরি দিদি, এ নয়কো ঠাট্টা ।
 দেশ থেকে চিঠি পেয়েছি আমার,
 বাঁচে কি না বাঁচে খুড়িটি আমার—
 শত্রু অসুখ হয়েছে এবার,
 টাকাকড়ি নেই ওষুধ দেবার ।

কল্যাণী

এখনো বছর হয়নি গত,
 খুড়ির শ্রাঙ্কে নিলি যে কত !

কীরো

হাঁ হাঁ, বটে বটে, মরেছে বেটি—
 খুড়ি গেছে, তবু আছে তো জেটি ।

আঁহা রানীদিদি, ধন্য তোরে
 এত রেখেছিস স্মরণ করে !
 এমন বুদ্ধি আর কি আছে !
 এড়ায় না কিছু তোমার কাছে ।
 ফাঁকি দিয়ে খুড়ি বাঁচবে আবার,
 সাধ্য কি আছে সে তার বাবার !
 কিন্তু, কখনো আমার সে জেঠি
 মরে নি পূর্বে, মনে রেখো সেটি ।

কল্যাণী

মরেও নি বটে, জন্মে নি কভু ।

ক্ষীরো

এমন বুদ্ধি দিদি, তোর— তবু
 সে বুদ্ধিখানি কেবলই খেলায়
 অনুগত এই আমারি বেলায় ?

কল্যাণী

চেয়ে নিতে তোর মুখে ফোটে কাঁটা !
 না বললে নয় মিথ্যে কথাটা ?
 ধরা পড়, তবু হও না জব্দ ?

ক্ষীরো

‘দাও দাও’ ও তো একটা শব্দ,
 ওটা কি নিত্য শোনায় মিষ্টি ?
 মাঝে মাঝে তাই নতুন সৃষ্টি
 করতেই হয় খুড়ি-জেঠিমার ।
 জান তো সকলই, তবে কেন আর

কাহিনী

লজ্জা দেওয়া ?

কল্যাণী

অমনি চেয়ে কি
পাস নি কখনো, তাই বল দেখি ।

কীরো

মিরা পাখিরেও শিকার ক'রে
তবে তো বিড়াল মুখেতে পোরে ।
সহজেই পাই, তবু দিয়ে ফাঁকি
স্বভাবটাকে যে শান দিয়ে রাখি !
বিনা প্রয়োজনে খাটাও যাকে
প্রয়োজন কালে ঠিক সে থাকে ।
সত্যি বলছি, মিথ্যে কথায়
তোমারও কাছেতে ফল পাওয়া যায় ।

কল্যাণী

এবার পাবে না ।

কীরো

আচ্ছা, বেশ তো,
সেজন্যে আমি নইকো ব্যস্ত ।
আজ না হয় তো কাল তো হবে—
ততখন মোর সবুর সবে ।
গা ছুঁয়ে কিন্তু বলছি তোমার,
খুড়িটার কথা তুলব না আর ।

[কল্যাণীর হাসিরা প্রহান

হরি বলো মন ! পরের কাছে
 আদায় করার সুখও আছে ;
 ছুঃখও ঢের ।—হে মা লক্ষ্মীটি,
 তোমার বাহন পেঁচাপক্ষীটি
 এত ভালোবাসে এ বাড়ির হাওয়া,
 এত কাছাকাছি করে আসা-যাওয়া,
 ভুলে কোনোদিন আমার পানে
 তোমারে যদি সে বহিয়া আনে—
 মাথায় তাহার পরাই সিঁদুর,
 জলপান দিই আশিটা ইঁদুর,
 খেয়েদেয়ে শেষে পেটের ভারে
 পড়ে থাকে বেটা আমারি দ্বারে—
 সোনা দিয়ে ডানা বাঁধাই, তবে
 ওড়বার পথ বন্ধ হবে ।

লক্ষ্মীর আবির্ভাব

কে আবার রাতে এসেছ আলাতে,
 দেশ ছেড়ে শেষে হবে কি পালাতে ।
 আর তো পারি নে ।

লক্ষ্মী

পালাব তবে কি ?

যেতে হবে দূরে ।

ক্ষীরো

রোসো রোসো, দেখি ।

কী পরেছ ওটা মাথায় ওপর ?

দেখাচ্ছে যেন হীরের টোপর !
 হাতে কী রয়েছে সোনার বাসে
 দেখতে পারি কি ? আচ্ছা, থাক্ সে ।
 এত হীরে সোনা কারো তো হয় না—
 ওগুলো তো নয় গিলটি গয়না ?
 এগুলি তো সব সাঁচা পাথর ?
 গায়ে কী মেখেছ, কিসের আতর ?
 ডুর ডুর করে পদ্যগন্ধ—
 মনে কত কথা হতেছে সন্ধ !
 বোসো বাছা, কেন এলে এত রাতে ?
 আমারে তো কেউ আস নি ঠকাতে ?
 যদি এসে থাকো, ক্ষীরিকে তা হলে
 চিনতে পারো নি সেটা রাখি ব'লে ।
 নাম কী তোমার বলো দেখি খাঁটি—
 মাথা খাও, বোলো সত্য কথাটি ।

লক্ষ্মী

একটা তো নয়, অনেক যে নাম ।

ক্ষীরো

হাঁ হাঁ, থাকে বটে স্বনাম বেনাম
 ব্যাবসা যাদের ছলনা করা ।
 কখনো কোথাও পড় নি ধরা ?

লক্ষ্মী

ধরা পড়ি বটে দুই-দশ দিন,

বাঁধন কাটিয়ে আবার স্বাধীন ।

ক্ষীরো

হেঁয়ালিটা ছেড়ে কথা কও সিধে—

অমন করলে হবে না স্বেধে ।

নামটি তোমার বলো অকপটে ।

লক্ষ্মী

লক্ষ্মী ।

ক্ষীরো

তেমনি চেহারাও বটে ।

লক্ষ্মী তো আছে অনেকগুলি,

তুমি কোথাকার বলো তো খুলি ।

লক্ষ্মী

সত্যি লক্ষ্মী একের অধিক

নাই ত্রিভুবনে ।

ক্ষীরো

ঠিক ঠিক ঠিক !—

তাই বলো মা গো, তুমিই কি তিনি ?

আলাপ তো নেই, চিনতে পারি নি ।

চিনতেম যদি চরণজোড়া

কপাল হত কি এমন পোড়া !

এসো, বোসো, ঘর করোসে আলো ।

পেঁচাদাদা মোর আছে তো ভালো ?

এসেছ যখন, তখন মাত,

তাড়াতাড়ি যেতে পারবে না তো ।

কাহিনী

জোগাড় করছি চরণ-সেবার,
 সহজ হস্তে পড় নি এবার—
 সেয়ানা লোকেয়ে কর না মায়া—
 কেন যে জানি তা বিষ্ণুজায়া !
 না খেয়ে মরে না বুদ্ধি থাকলে,
 বোকারই বিপদ তুমি না রাখলে ।

লক্ষ্মী

প্রতারণা করে পেটটি ভরাও,
 ধর্মেতে তুমি কিছু না ডরাও ?

ক্ষীরো

বুদ্ধি দেখলে এগোও না গো,
 তোর দয়া নেই কাজেই মা গো—
 বুদ্ধিমানেরা পেটের দায়
 লক্ষ্মীমানেরে ঠকিয়ে খায় ।

লক্ষ্মী

সরল বুদ্ধি আমার প্রিয়,
 বাঁকা বুদ্ধিরে ধিক্ জানিয়ে ।

ক্ষীরো

ভালো ভালোয়ার যেমন বাঁকা
 তেমনি বক্র বুদ্ধি পাকা ।
 ও জিনিস বেশি সরল হলে
 নিবুদ্ধি তো তারেই বলে ।
 ভালো মা গো, তুমি দয়া করো যদি

বোকা হয়ে আমি রব নিরবধি ।

লক্ষ্মী

কল্যাণী তোর অমন প্রভু—
তারেও দস্যা, ঠকাও তবু !

ক্ষীরো

অদৃষ্টে শেষে এই ছিল মোর,
যার লাগি চুরি সেই বলে চোর !
ঠকাতে হয় যে কপাল-দোষে,
তোরে ভালোবাসি বলেই তো সে ।
আর ঠকাব না, আরামে ঘুমিয়ে—
আমারে ঠকিয়ে যেয়ো না তুমিও !

লক্ষ্মী

স্বভাব তোমার বড়োই রুক্ষি ।

ক্ষীরো

তাহার কারণ আমি যে দুঃখী !
তুমি যদি করো রসের বৃষ্টি
স্বভাবটা হবে আপনি মিষ্টি ।

লক্ষ্মী

তোরে যদি আমি করি আশ্রয়
যশ পাব কিনা সন্দেহ হয় ।

ক্ষীরো

যশ না পাও তো কিসের কড়ি ?
তবে তো আমার গলায় দড়ি !

দশের মুখেতে দিলেই অন্ন
দশমুখে উঠে 'ধন্য ধন্য' ।

লক্ষ্মী

প্রাণ ধরে দিতে পারবি ভিক্ষে ?

ক্ষীরে।

একবার তুমি করো পরীক্ষা ।
পেট ভরে গেলে যা থাকে বাকি
সেটা দিয়ে দিতে শক্তটা কী ?
দানের গরবে যিনি গরবিনি
তিনি হোন আমি, আমি হই তিনি ।
দেখবে তখন তাঁহার চালটা,
আমারি বা কত উলটো-পালটা ।
দাসী আছি, জানি দাসীর যা রীতি—
রানী করো, পাব রানীর প্রকৃতি ।
তাঁরও যদি হয় মোর অবস্থা
স্বয়ং হবে না এমন সস্তা ।
তাঁর দয়াটুকু পাবে না অন্যে,
ব্যয় হবে সেটা নিজেরই জন্যে ।
কথার মধ্যে মিষ্টি অংশ
অনেকখানিই হবেক ধ্বংস ।
দিতে গেলে কড়ি কড়ু না সরবে,
হাতের তেলোয় কামড়ে ধরবে ।
ভিক্ষে করতে, ধরতে ছু পায়
নিতি নতুন উঠবে উপায় ।

লক্ষী

তথাস্তু, রানী করে দিমু তোকে ।
দাসী ছিলি তুই ভুলে যাবে লোকে ।
কিন্তু, সদাই থেকে সাবধান,
আমার না যেন হয় অপমান ।

দ্বিতীয় দৃশ্য

রানীবেশে কীরো ও তাহার
পারিষদবর্গ

কীরো

বিনি !

বিনি

কেন মাসি ?

কীরো

মাসি কী রে মেয়ে !

দেখি নি তো আমি বোকা তোর চেয়ে ।

কাঙাল ভিখিরি কলু মালী চাষী

তারাই মাসিরে বলে শুধু 'মাসি' ।

রানীর বোনঝি হয়েছ ভাগ্যে,

জান না আদব ? মালতী !

মালতী

আজ্ঞে !

কীরো

রানীর বোনঝি রানীরে কী ডাকে

শিখিয়ে দে ওই বোকা মেয়েটাকে ।

মালতী

ছি ছি, শুধু মাসি বলে কি রানীকে !

রানীমাসি বলে, রেখে দিয়ে শিখে ।

ক্ষীরো

মনে থাকবে তো ? কোথা গেল কানী ?

কানী

কেন রানীদিদি ?

ক্ষীরো

চার-চার দাসী

নেই যে সঙ্গে ?

কানী

এত লোক মিছে

কেন দিনরাত লেগে থাকে পিছে !

ক্ষীরো

মালতী !

মালতী

আজ্ঞে !

ক্ষীরো

এই মেয়েটাকে

শিখিয়ে দে কেন এত দাসী থাকে ।

মালতী

তোমরা তো নও জেনেনি তাঁতিনি,

তোমরা হও যে রানীর নাতিনি

যে নবাববাড়ি এমু আমি তোড়ি—

সেখা বেগমের ছিল পোষা বেড়ি,

তাহারি একটা ছোটো বাচ্ছার

কাহিনী

পিছনেতে ছিল দাসী চার-চার—
তা ছাড়া সেপাই ।

ক্ষীরো

শুনলি তো কাশী ?

কাশী

শুনেছি ।

ক্ষীরো

তা হলে ডাকু তোর দাসী ।
কিনি পোড়ামুখি !

কিনি

কেন রানীখুড়ি ?

ক্ষীরো

হাই তুললেম, দিলি নে যে তুড়ি ?
মালতী !

মালতী

আজ্ঞে !

ক্ষীরো

শেখাও কায়দা ।

মালতী

এত বলি, তবু হয় না কায়দা ।
বেগম-সাহেব যখন হাঁচেন
তুড়ি ভুল হলে কেহ না বাঁচেন ।

তখনি শূলেতে চড়িয়ে তারে
নাকে কাঠি দিয়ে হাঁচিয়ে মারে ।

ক্ষীরো

সোনার বাটায় পান দে তারিণী !
কোথা গেল মোর চামরধারিণী ?

তারিণী

চলে গেছে ছুঁড়ি । সে বলে, 'মাইনে
চেয়ে চেয়ে তবু কিছুতে পাই নে ।'

ক্ষীরো

ছোটোলোক বেটি হারামজাদি
রানীর ঘরে সে হয়েছে বাঁদি,
তবু মনে তার নেই সন্তোষ—
মাইনে পায় না ব'লে দেয় দোষ !
পিঁপড়ের পাখা কেবল মরতে ।
মালতী !

মালতী

আজ্ঞে !

ক্ষীরো

মাগিরে ধরতে

পাঠাও আমার ছ-ছয় পেয়াদা—
না না, যাবে আরো দুজন জেয়াদা ।
কী বল মালতী !

কাহিনী

মালতী

দস্তুর তাই ।

কীরো

হাতকড়ি দিয়ে বেঁধে আনা চাই ।

ভারিণী

ও পাড়ার মতি রানীমাতাজির
চরণ দেখতে হয়েছে হাজির ।

কীরো

মালতী !

মালতী

আজ্ঞে !

কীরো

নবাবের ঘরে

কোন্ কায়দায় লোকে দেখা করে ?

মালতী

কুনিশ করে ঢোকে মাথা নুয়ে,
পিছু হটে যায় মাটি ছুঁয়ে ছুঁয়ে ।

কীরো

নিয়ে এসো সাথে, যাও তো মালতী,
কুনিশ করে আসে যেন মতি ।

মতিকে লইয়া মালতীর পুনঃপ্রবেশ

মালতী

মাথা নিচু করো । মাটি ছোঁও হাতে,
লাগাও হাতটা নাকের ডগাতে ।
তিন পা এগোও, নিচু করো মাথা ।

মতি

আর তো পারি নে, ঘাড়ে হল ব্যথা ।

মালতী

তিনবার নাকে লাগাও হাতটা ।

মতি

টন্ টন্ করে পিঠের বাতটা ।

মালতী

তিন পা এগোও, তিনবার ফের
ধুলো তুলে নেও ডগায় নাকের ।

মতি

ঘাট হয়েছিল এসেছি এ পথ,
এর চেয়ে সিধে নাকে দেওয়া খত ।
জয় রানীয়ার ! একাদশী আজি—

ক্ষীরো

রানীর জ্যোতিষী শুনিয়েছে পাঁজি ।
কবে একাদশী, কবে কোন্ বার
লোক আছে মোর তিথি গোনবার ।

কাহিনী

মতি

টাকাটা সিকেটে যদি কিছু পাই
‘জয় জয়’ বলে বাড়ি চলে যাই ।

ক্ষীরো

যদি না’ই পাও তবু যেতে হবে,
কুর্নিশ করে চলে যাও তবে ।

মতি

ঘড়া ঘড়া টাকা ঘরে গড়াগড়ি,
তবু কড়াকড় দিতে কড়াকড়ি ।

ক্ষীরো

ঘরের জিনিস ঘরেরই ঘড়ায়
চিরদিন যেন ঘরেই গড়ায় ।
মালতী !

মালতী

আজ্ঞে !

ক্ষীরো

এবার মাগিরে
কুর্নিশ করে নিয়ে যাও ফিরে ।

মতি

চললেম তবে—

মালতী

রোসো, ফিরো নাকো,

তিনবার মাটি তুলে নাকে মাখো ।
তিন পা কেবল হটে যাও পিছু—
পোড়ো না উলটে, মাথা করো নিচু ।

মতি

হায়, কোথা এনু ! ভরল না পেট,
বারে বারে শুধু মাথা হল হেঁট ।
আহা, কল্যাণী রানীর ঘরে
কর্ণ জুড়োয় মধুর স্বরে—
কড়ি যদি দেন অমূল্য তাই,
হেথা হীরে মোতি সেও অতি ছাই ।

কীরো

সে ছাই পাবার ভরসা কোরো না ।

মালতী

সাবধানে হঠো, উলটে পোড়ো না ।

[মতির প্রহান

কীরো

বিনি !

বিনি

রানীমাসি !

কীরো

একগাছি চুড়ি

হাত থেকে তোর গেছে নাকি চুরি ?

কাহিনী

বিনি

চুরি তো যায় নি ।

ক্ষীরো

গিয়েছে হারিয়ে ?

বিনি

হারায় নি ।

ক্ষীরো

কেউ নিয়েছে ভাঁড়িয়ে ?

বিনি

না গো রানীমাসি !

ক্ষীরো

এটা তো মানিস—

পাখা নেই তার ? একটা জিনিস

হয় চুরি যায়, নয় তো হারায়,

নয় মারা যায় ঠগের দ্বারায়,

তা না হলে থাকে— এ ছাড়া তাহার

কী যে হতে পারে জানি নে তো আর ।

বিনি

দান করেছি সে ।

ক্ষীরো

দিয়েছিস দানে ?

ঠকিয়েছে কেউ, তারি হল মানে ।

কে নিয়েছে বল ।

বিনি

মল্লিকা দাসী ।

এমন গরিব নেই রানীমাসি,
যে আছে তার সাত ছেলে মেয়ে—
‘মাস পাঁচ-ছয় মাইনে না পেয়ে
খরচপত্র পাঠাতে পারে না,
দিনে দিনে তার বেড়ে যায় দেনা,
কৈদে কৈদে মরে, তাই চুড়িগাছি
নুকিয়ে তাহারে দান করিয়াছি ।
অনেক তো চুড়ি আছে মোর হাতে,
একখানা গেলে কী হবে তাহাতে ?

ক্ষীরো

বোকা মেয়েটার শোনো ব্যাখ্যানা ।
একখানা গেলে গেল একখানা,
সে যে একেবারে ভারি নিশ্চয় ।
কে না জানে যেটা রাখ সেটা রয়,
যেটা দিয়ে ফেল সেটা তো রয় না—
এর চেয়ে কথা সহজ হয় না ।
অল্পস্বল্প যাদের আছে
দানে যশ পায় লোকের কাছে ।
ধনীর দানেতে ফল নাহি ফলে,
যত দেও তত পেট বেড়ে চলে,
কিছুতে ভরে না লোকের স্বার্থ,
ভাবে, ‘আরো ঢের দিতে যে পারত’ ।

অতএব বাছা, হবি সাবধান,
বেশি আছে ব'লে করিস নে দান ।
মালতী !

মালতী

আজ্ঞে !

ক্ষীরো

বোকা মেয়েটি এ,
এরে ছটো কথা দাও সম্বন্ধিয়ে ।

মালতী

রানীর বোনঝি রানীর অংশ,
তফাতে থাকবে উচ্চ বংশ—
দান করা-টরা যত হয় বেশি
গরিবের সাথে তত ঘেঁষাঘেঁষি ।
পুরোনো শাস্ত্রে লিখেছে শোলোক,
গরিবের মতো নেই ছোটোলোক ।

ক্ষীরো

মালতী !

মালতী

আজ্ঞে !

ক্ষীরো

মল্লিকাটারে

আর তো রাখা না !

মালতী

তাড়াব তাহারে ।

ছেলেমেয়েদের দয়ার চর্চা

বেড়ে গেলে, সাথে বাড়বে খরচা ।

ক্ষীরো

তাড়াবার বেলা হয়ে আনুমনা

বালাটা-সুদ্ধ যেন তাড়িয়ে না—

বাহিরের পথে কে বাজায় বাঁশি,

দেখে আয় মোর ছয়-ছয় দাসী

তারিণীর প্রহান ও

পুনঃপ্রবেশ

তারিণী

মধুদত্তের পৌত্রের বিয়ে,

ধুম করে তাই চলে পথ দিয়ে !

ক্ষীরো

রানীর বাড়ির সামনের পথে

বাজিয়ে যাচ্ছে কী নিয়ম-মতে !

বাঁশির বাজনা রানী কি সহবে !

মাথা ধরে যদি থাকত দৈবে !

যদি ঘুমোতেন, কাঁচা ঘুমে জেগে

অসুখ করত যদি রেগেমেগে !

মালতী !

কাহিনী

মালতী

আজ্ঞে !

ক্ষীরো

নবাবের ঘরে

এমন কাণ্ড ঘটলে কী করে ?

মালতী

যার বিয়ে যায় তারে ধরে আনে—
 ছই বাঁশিওয়ালী তার ছই কানে
 কেবলই বাজায় ছটো-ছটো বাঁশি,
 তিন দিন পরে দেয় তারে ফাঁসি ।

ক্ষীরো

ডেকে দাও কোথা আছে সর্দার
 নিয়ে যাক দশ জুতোবর্দার—
 ফি লোকের পিঠে দশ ঘা চাবুক
 সপাসপ বেগে সজোরে নাবুক ।

মালতী

তবু যদি কারো চেতনা না হয়,
 বন্দুক দিলে হবে নিশ্চয় ।

প্রথমা

ফাঁসি হল মূফ, বড়ো গেল বেঁচে
 ‘জয় জয়’ বলে বাড়ি যাবে নেচে ।

দ্বিতীয়

প্রসন্ন ছিল তাদের গ্রহ,
চাবুক ক' ঘা তো অমুগ্রহ ।

তৃতীয়

বলিস কী ভাই, ফাঁড়া গেল কেটে—
আহা এত দয়া রানীমার পেটে !

ক্ষীরো

ধাম্ তোরা, শুনে নিজ গুণগান
লজ্জায় রাঙা হয়ে ওঠে কান ।
বিনি !

বিনি

রানীমাসি !

ক্ষীরো

স্থির হয়ে রবি !
ছটফট করা বড়ো বেয়াদবি ।
মালতী !

মালতী

আজ্ঞে !

ক্ষীরো

মেয়েরা এখনো
শেখে নি আমিরি দস্তুর কোনো ।

কাহিনী

মালতী

বিনির প্রতি

রানীর ঘরের ছেলেমেয়েদের
 ছটফট করা ভারি নিন্দেয় ।
 ইতর লোকেরই ছেলেমেয়েগুলো
 হেসেখুশে ছুটে করে খেলাধুলো ।
 রাজারানীদের পুত্রকন্যে
 অধীর হয় না কিছুই জন্যে ।
 হাত-পা সামলে খাড়া হয়ে থাকো,
 রানীর সামনে নোড়োচোড়ো নাকো ।

ক্ষীরো

ফের গোলমাল করছে কাহারো ?
 দরজায় মোর নাই কি পাহারা ?

ভারিণী

প্রজারা এসেছে নালিশ করতে ।

ক্ষীরো

আর কি জায়গা ছিল না মরতে ?

মালতী

প্রজার নালিশ শুনবে রাজ্ঞী,
 ছোটোলোকদের এত কি ভাগ্যি !

প্রথমা

তাই যদি হবে তবে অগণ্য
 নোকর চাকর কিসের জন্য ?

ষষ্ঠী

নিজের রাজ্যে রাখতে দৃষ্টি
রাজারানীদের হয় নি সৃষ্টি ।

ভারিণী

প্রজারা বলছে, কর্মচারী
পাঁড়ন তাদের করছে ভারি ।
নাই দয়া মায়া, নাইকো ধর্ম,
বেচে নিতে চায় গায়ের চর্ম ।
বলে তারা, ‘হায়, কী করেছি পাপ—
এত ছোটো মোরা, এত বড়ো চাপ !’

কীরো

সর্ষেও ছোটো তবু সে ভোগায়,
চাপ না পেলে কি তৈল জোগায় ?
টাকা জিনিসটা নয় পাকা ফল,
টুপ ক’রে খ’সে ভরে না আঁচল—
ছিঁড়ে, নাড়া দিয়ে, ঠেঙার বাড়িতে
তবে ও জিনিস হয় যে পাড়িতে ।

ভারিণী

সেজন্যে না মা, তোমার খাওয়া
বঞ্চনা করা তাদের কাজ না ।
তারা বলে, যত আয়লা তোমার
মাইনে না পেয়ে হয়েছে গোয়ার ।

কাহিনী

লুটপাট করে মারছে প্রজা,
মাইনে পেলেই থাকবে সোজা ।

ক্ষীরো

রানী বটি, তবু নইকো বোকা,
পারবে না দিতে মিথ্যে ধোঁকা—
করবেই তারা দস্যুস্বত্তি,
মাইনেটা দেওয়া মিথ্যামিথিা ।
প্রজাদের ঘরে ডাকাতি করে,
তা বলে করবে রানীরও ঘরে ?

তারিণী

তারা বলে, রানী কল্যাণী যে ।
নিজের রাজ্য দেখেন নিজে ।
নালিশ শোনেন নিজের কানেই
প্রজাদের 'পরে জুলুমটা নেই ।

ক্ষীরো

ছোটো মুখে বলে বড়ো কথাগুলো—
আমার সঙ্গে অন্যের তুলা ?
মালতী !

মালতী

আজ্ঞে !

ক্ষীরো

কী কর্তব্য ?

মালতী

জরিমানা দিক যত অসভ্য
এক-শো এক-শো !

ক্ষীরো

গরিব ওয়া যে,
তাই একেবারে এক-শো'র মাঝে
নব্বই টাকা করে দিনু মাপ ।

প্রথমা

আহা, গরিবের তুমিই মা-বাপ ।

দ্বিতীয়া

কার মুখ দেখে উঠেছিল প্রাতে,
নব্বই টাকা পেল হাতে হাতে ।

তৃতীয়া

নব্বই কেন, যদি ভেবে দেখে
আরো ঢের টাকা নিয়ে গেল ট'গাকে ।
হাজার টাকার ন-শো নব্বই
চোখের পলকে পেল সর্বই ।

চতুর্থী

এক দমে'ভাই, এত দিয়ে ফেলা
অন্য কে পারে— এ তো নয় খেলা !

কাহিনী

কীরো

বলিস নে আর মুখের আগে,
নিজগুণ শুনে শরম লাগে,
বিনি !

বিনি

রানীমাসী !

কীরো

হঠাৎ কী হল,
কোঁস কোঁস করে কাঁদিস কেন লো ?
দিনরাত আমি বকে বকে খুন,
শিখলি নে কিছু কায়দা-কানুন ?
মালতী !

মালতী

আজ্ঞে !

কীরো

এই মেয়েটাকে
শিক্ষা না দিলে মান নাহি থাকে ।

মালতী

রানীর বোনঝি জগতে মান্য,
বোঝ না এ কথা অতি সামান্য—
সাধারণ যত ইতর লোকেই
সুখে হাসে, কাঁদে দুঃখশোকেই ।
তোমাদেরও যদি তেমনি হবে,
বড়োলোক হয়ে হল কী তবে !

একজন দাসীর প্রবেশ

দাসী

মাইনে না পেলো মিথ্যে চাকরি,
বাঁধা দিয়ে এনু কানের মাকড়ি ।
ধার করে খেয়ে পরের গোলামি,
এমন কখনো শুনি নি তো আমি !
মাইনে চুকিয়ে দাও— তা না হলে
ছুটি দাও, আমি ঘরেযাই চলে ।

ক্ষীরো

মাইনে চুকোনো নয়কো মন্দ,
তবু ছুটিটাই মোর পছন্দ ।
বড়ো ঝগুট মাইনে বাঁটতে
হিসেব কিতবে হয় যে বাঁটতে ।
ছুটি দেওয়া যায় অতি সহজ,
খুলতে হয় না খাতাপত্তর ।
ছ-ছয় পেয়াদা ধরে আসি কেশ,
নিমেষ ফেলতে কর্ম-নিকেশ !
মালতী !

মালতী

আজ্ঞে !

ক্ষীরো

সাথে যাও ওর—
ঝেড়ে-ঝেড়ে নিয়ো কাপড়-চোপড়,

কাহিনী

ছুটি দেয় যেন দারোয়ান যত
হিন্দুস্থানি দস্তুরমত ।

মালতী

বুঝেছি রানীজি !

ক্ষীরো

আচ্ছা, তা হলে

দু কুর্নিশ করে যাক বেটি চলে ।

[কুর্নিশ করাইয়া দাসীকে বিদায়

দাসী

স্বামী

✓ ছয়ারে রানীমা, দাঁড়িয়ে আছে কে,
বড়ো লোকের ঝি মনে হয় দেখে ।

ক্ষীরো

এসেছে কি হাতি কিম্বা রথে ?

দাসী

মনে হল যেন হেঁটে এল পথে !

ক্ষীরো

কোথা তবে তার বড়োলোকত্ব ।

দাসী

রানীর মতন মুখটি সত্য ।

ক্ষীরো

মুখে বড়োলোক লেখা নাহি থাকে,
গাড়িঘোড়া দেখে চেনা যায় তাকে ।

মালতীর প্রবেশ

মালতী

রানী কল্যাণী এসেছেন ঘারে
রানীজির সাথে দেখা করিবারে ।

কীরো

হেঁটে এসেছেন ?

মালতী

শুনছি তাই তো ।

কীরো

তা হলে হেথায় উপায় নাই তো ।
সমান আসন কে তাহারে দেয় ?
নিচু আসনটা সেও অন্যায় ।
এ এক বিষয় হল সমিস্যে,
মীমাংসা এর কে করে বিশ্বে !

প্রথম

মাঝখানে রেখে রানীজির গদি
তাহার আসন দূরে রাখি যদি ?

দ্বিতীয়

ঘুরায়ে যদি এ আসনখানি
পিছন ফিরিয়া বসেন রানী ?

তৃতীয়

যদি বলা যায় 'ফিরে যাও আজ—
ভালো নেই আজ রানীর মেজাজ' ?

কাহিনী

কীরো

মালতী !

মালতী

আজ্ঞে !

কীরো

কী করি উপায় ?

মালতী

দাঁড়িয়ে দাঁড়িয়ে যদি সারা যায়
দেখাশোনা, তবে সব গোল মেটে ।

কীরো

এত বুদ্ধিও আছে তোমর পেটে !
সেই ভালো । আগে দাঁড়া সার বাঁধি
আমার এক-শো-পঁচিশটে বাঁদি ।
ও হল না ঠিক— পঁচ পঁচ করে
দাঁড়া ভাগে ভাগে— তোরা আয় সরে—
না না, এই দিকে— না না, কাজ নেই,
সারি সারি তোরা দাঁড়া সামনেই—
না না, তা হলে যে মুখ ষাবে ঢেকে,
কোনাকুনি তোরা দাঁড়া দেখি বেঁকে ।
আচ্ছা, তা হলে ধরে হাতে হাতে
খাড়া থাক্ তোরা একটু তফাতে ।
শশী, তুই সাজ্ ছত্রধারিণী,
চামরটা নিয়ে দোলাও তারিণী !
মালতী !

মালতী
আজ্ঞে !

ক্ষীরো

এইবার তারে
ডেকে নিয়ে আয় মোর দরবারে ।

[মালতীর প্রস্থান

কিনি, বিনি, কাশী, স্থির হয়ে থাকো—
খবদার কেউ নোড়োচোড়ো নীকো ।
মোর দুই পাশে দাঁড়াও সকলে
দুই ভাগ করি ।

কল্যাণী ও মালতীর প্রবেশ

কল্যাণী

আছ তো কুশলে ?

ক্ষীরো

আমার চেষ্ঠা কুশলেই থাকি,
পরের চেষ্ঠা দেবে মোরে ফাঁকি—
এইভাবে চলে জগৎসুন্দর
নিজের সঙ্গে পরের যুদ্ধ ।

কল্যাণী

ভালো আছ বিনি ?

কাহিনী

বিনি

ভালোই আছি মা—
 স্নান কেন দেখি সোনার প্রতিমা ?

ক্ষীরো

বিনি, করিস নে মিছে গোলযোগ—
 ঘুচল না তোর কথা-কওয়া রোগ ?

কল্যাণী

রানী, যদি কিছু না করো মনে,
 কথা আছে কিছু, কব গোপনে ।

ক্ষীরো

আর কোথা যাব, গোপন এই তো,
 তুমি আমি ছাড়া কেহই নেই তো ।
 এরা সব দাসী, কাজ নেই কিছু,
 রানীর সঙ্গে ফেরে পিছু-পিছু ।
 হেথা হতে যদি করে দিই দূর
 হবে না তো সেটা ঠিক দস্তুর ।
 কী বল মালতী ?

মালতী

আজ্ঞে, তাই তো ।
 দস্তুরমত চলাই চাই তো ।

ক্ষীরো

সোনার বাটাটা কোথায় কে জানে ।
 খুঁজে দেখ্ দেখি ।

দাসী

এই-যে এখানে ।

ক্ষীরো

ওটা নয়, সেই মুক্তো-বসানো
আর একটা আছে, সেইটেই আনো ।

অন্য বাটা আনয়ন

খয়েরের দাগ লেগেছে ডালায়—
বাঁচি নে তো আর তোদের আলায় ।
তবে নিয়ে আয় চুনীর সে বাটা—
না না, নিয়ে আয় পান্না-দেওয়াটা ।

কল্যাণী

কথাটা আমার নিই তবে ব'লে ।
পাঠান বাদশা অন্যায় ছলে
রাজ্য আমার নিয়েছেন কেড়ে—

ক্ষীরো

বল কী ! তা হলে গেছে ফুলবেড়ে,
গিরিধরপুর, গোপালনগর
কানাইগঞ্জ—

কল্যাণী

সব গেছে মোর ।

ক্ষীরো

হাতে আছে কিছু নগদ টাকা কি ?

কাহিনী

কল্যাণী

সব নিয়ে গেছে, কিছু নেই বাকি ।

ক্ষীরো

অদৃষ্টে ছিল এত দুখ তোর !
 গয়না যা ছিল হীরে-মুক্তোর,
 সেই বড়ো বড়ো নীলার কণ্ঠি,
 কানবালা-জোড়া বেড়ে গড়নটি,
 সেই-যে চুনীর পাঁচনলি হার,
 হীরে-দেওয়া সিঁধি লক্ষ টাকার—
 সেগুলো নিয়েছে বুঝি লুটে-পুটে ?

কল্যাণী

সব নিয়ে গেছে সৈন্যেরা জুটে ।

ক্ষীরো

আহা, তাই বলে, ধনজনমান
 পদ্যপত্রে জলের সমান !
 দামি তৈজস ছিল যা পুরোনো
 চিহ্নও তার নেই বুঝি কোনো ?
 সে কালের সব জিনিস-পত্র—
 আসাসোটাগুলো, চামর-ছত্র,
 চাঁদোয়া-কানাত, গেছে বুঝি সব ?
 শাস্ত্রে যে বলে ধনবৈভব
 তড়িৎ-সমান, মিথ্যে সে নয় ।
 এখন তা হলে কোথা থাকা হয় ?
 বাড়িটা তো আছে ?

কল্যাণী

ফৌজের দল

প্রাসাদ আমার করেছে দখল ।

ক্ষীরো

ওমা, ঠিক এ যে শোনায় কাহিনী—
কাল ছিল রানী, আজ ভিখারিনি !
শাস্ত্রে তাই তো বলে, সব মায়া—
ধনজন তাল-বুকের ছায়া ।
কী বল মালতী !

মালতী

তাই তো বটেই,

বেশি বাড় হলে পতন ঘটেই ।

কল্যাণী

কিছুদিন যদি হেথায় তোমার
আশ্রয় পাই, করি উদ্ধার
আবার আমার রাজ্যখানি—
অন্য উপায় নাহিকো জানি ।

ক্ষীরো

আহা, তুমি রবে আমার হেথায়—
এ তো বেশ কথা, সুখেরই কথা এ ।

প্রথম

আহা, কত দয়া !

কাহিনী

দ্বিতীয়

মায়ার শরীর !

তৃতীয়

আহা, দেবী তুমি, নও পৃথিবীর ।

চতুর্থী

হেথা ফেরে নাকো অধম পতিত,
আশ্রয় পায় অনাথ অতিথ ।

পঞ্চম

কিন্তু, একটা কথা আছে বোন—
বড়ো বটে মোর প্রাসাদভবন,
তেমনি যে ঢের লোকজন বেশি
কোনোমতে তারা আছে ঠেসাঠেসি ।
এখানে তোমার জায়গা হবে না—
সে একটা মহা রয়েছে ভাবনা ।
তবে কিছুদিন যদি ঘর ছেড়ে
বাইরে কোথাও থাকি তাঁবু গেড়ে—

প্রথম

ওমা, সে কী কথা !

দ্বিতীয়

তা হলে রানীমা
রবে না তোমার কষ্টের সীমা !

তৃতীয়া

যে-সে তাঁবু নয়, তবু সে তাঁবুই—
যর থাকতে কি ভিজবে বাবুই ?

পঞ্চমী

দয়া করে কত নাববে নাবোতে,
রানী হয়ে কিনা থাকবে তাঁবুতে !

ষষ্ঠী

তোমার সে দশা দেখলে চক্ষে
অধীনগণের বাজবে বক্ষে ।

কল্যাণী

কাজ নেই রানী, সে অসুবিধায়—
আজকের তরে লইনু বিদায় ।

ক্ষীরো

যাবে নিতান্ত ! কী করব ভাই !
ছুঁচ ফেলবার জায়গাটি নাই ।
জিনিসপত্র লোক-লস্করে
ঠাসা আছে যর— কারে ফস্ ক'রে
বসতে বলি যে তার ছো'টি নেই ।
ভালো কথা ! শোনো, বলি গোপনেই—
গয়নাপত্র কৌশলে রাতে
ছ-দশটা যাহা পেয়েছ সরাতে
মোর কাছে দিলে যবে যতনেই !

কাহিনী

কল্যাণী

কিছুই আনি নি, শুধু হেরো এই
হাতে দুটি চুড়ি, পায়েতে নূপুর !

ক্ষীরো

আজ এসো তবে, বেজেছে দুপুর—
শরীর ভালো না, তাইতে সকালে
মাথা ধরে যায় অধিক বকালে ।—
মালতী !

মালতী

আজ্ঞে !

ক্ষীরো

জানে না কানাই—
স্নানের সময় বাজবে সানাই ?

মালতী

বেটারে উচিত করব শাসন !

[কল্যাণীর প্রস্থান

তুলে রাখো মোর রত্ন-আসন—

ক্ষীরো

আজকের মতো হল দরবার ।
মালতী !

মালতী

আজ্ঞে !

ক্ষীরো

নাম করবার

সুখ তো দেখলি ?

মালতী

হেসে নাহি বাঁচি—

ব্যাঙ থেকে কেঁচে হলেন ব্যাঙাচি ।

ক্ষীরো

আমি দেখো, বাছা, নাম-করা-করি,

যেখানে সেখানে টাকা-ছড়াছড়ি,

জড়ো করে দল ইতর লোকের

জঁক-জমকের লোক-চমকের

যত রকমের ভণ্ডামি আছে

যেঁষি নে কখনো ভুলে তার কাছে ।

প্রথম

রানীর বুদ্ধি যেমন সারালো

তেমনি ক্ষুরের মতন ধারালো ।

দ্বিতীয়

অনেক মূর্খে করে দান ধ্যান,

কার আছে হেন কাণ্ডজ্ঞান ।

তৃতীয়

রানীর চক্ষে ধুলো দিয়ে যাবে

হেন লোক হেন ধুলো কোথা পাবে ?

কাহিনী

ক্ষীরো

থাম্ থাম্, তোরা রেখে দে বকুনি—
লজ্জা করে যে নিজগুণ শুনি ।
মালতী !

মালতী

আজ্ঞে !

ক্ষীরো

ওদের গয়না

ছিল যা এমন কাহারো হয় না ।
দুখানি চূড়িতে ঠেকেছে শেষে,
দেখে আমি আর বাঁচি নে হেসে ।
তবু মাথা যেন নুইতে চায় না,
ভিখ নেবে তবু কতই বায়না !
পথে বের হল পথের ভিখিরি,
ভুলতে পারে না তবু রানীগিরি ।
নত হয় লোক বিপদে ঠেকলে,
প্রিস্ত অলে যে দেমাক দেখলে ।—
আবার কিসের শুনি কোলাহল ?

মালতী

দুয়ারে এসেছে ভিক্ষুকদল—
আকাল পড়েছে, চালের বস্তা
মনের মতন হয় নি সস্তা—
তাইতে চাঁচিয়ে খাচ্ছে কানটা,
বেতটি পড়লে হবেন ঠাণ্ডা ।

কীরো

রানী কল্যাণী আছেন দাতা,
মোর ঘারে কেন হস্ত পাতা ?
বলে দে আমার পাঁড়েজি বেটাকে,
ধরে নিয়ে যাক সকল-ক'টাকে
দাতা কল্যাণী রানীর ঘরে—
সেথায় আসুক ভিক্ষে ক'রে ।
সেখানে যা পাবে এখানে তাহার
আরো পাঁচ গুণ মিলবে আহার ।

প্রথম

হা হা হা, কী মজা হবেই না জানি !

দ্বিতীয়

হাসিয়ে হাসিয়ে মারলেন রানী !

তৃতীয়

আমাদের রানী এতও হাসান !

চতুর্থ

হু চোখ চক্ষু-জলেতে ভাসান !

দাসীর প্রবেশ

দাসী

ঠাকরুন এক এসেছেন ঘারে,
হুকুম পেলেই তাড়াই তাঁহারে ।

কীরো

না না, ডেকে দে-না । আজ কী জন্য
মন আছে মোর বড়ো প্রসন্ন ।

কাহিনী

ঠাকুরানীর প্রবেশ

ঠাকুরানী

বিপদে পড়েছি তাই এনু চ'লে ।

ক্ষীরো

সে তো জানা কথা । বিপদে না প'লে
শুধু যে আমার চাঁদমুখখানি
দেখতে আস নি, সেটা বেশ জানি ।

ঠাকুরানী

চুরি হয়ে গেছে ঘরেতে আমার—

ক্ষীরো

মোর ঘরে বুঝি শোধ নেবে তার ?

ঠাকুরানী

দয়া করে যদি কিছু করো দান
এ যাত্রা তবে বেঁচে যায় প্রাণ ।

ক্ষীরো

তোমার যা-কিছু নিয়েছে অন্যে
দয়া চাও তুমি তাহার জন্যে !
আমার যা তুমি নিয়ে যাবে ঘরে
তার তরে দয়া আমার কে করে ?

ঠাকুরানী

ধনসুখ আছে যার ভাগ্যে
দানসুখে তার সুখ আরো বাড়ে ।

গ্রহণ যে করে তারি হেঁটমুখ,
 হুঃখের পরে ভিষ্কার হুখ ।
 তুমি সক্ষম, আমি নিরুপায়—
 অনায়াসে পারো ঠেলিবারে পায় ।
 ইচ্ছা না হয় না'ই কোরো দান,
 অপমানিতেরে কেন অপমান ?
 চলিলাম তবে, বলো দয়া করে
 বাসনা পূরিবে গেলে কার ঘরে ।

ক্ষীরো

রানী কল্যাণী নাম শোন নাই !
 দাতা বলে তাঁর বড়ো যে বড়াই ।
 এইবার তুমি যাও তাঁরি ঘরে,
 ভিষ্কার ঝুলি নিয়ে এসো ভরে—
 পথ না জান তো মোর লোকজন
 পৌঁছিয়ে দেবে রানীর ভবন ।

ঠাকুরানী

তবে তথাস্তু । যাই তাঁরি কাছে ।
 তাঁর ঘর মোর খুব জানা আছে ।—
 আমি সে লক্ষ্মী, তোর ঘরে এসে
 অপমান পেয়ে ফিরিলাম শেষে ।
 এই কথা কটি করিয়ো স্মরণ—
 ধনে মানুষের বাড়ে নাকো মন ।
 আছে বহু ধনী, আছে বহু মামী—
 সবাই হয় না রানী কল্যাণী ।

কীরো

যাবে যদি তবে ছেড়ে যাও মোরে
দস্তরমত কুনিশ ক'রে ।

মালতী ! মালতী ! কোথায় তারিণী !

কোথা গেল মোর চামরধারিণী—

আমার এক-শো-পঁচিশটে দাসী !

তোরা কোথা গেলি—বিনি ! কিনি ! কানী !

কল্যাণীর প্রবেশ

কল্যাণী

পাগল হলি কি ! হয়েছে কী তোর ?

এখনো যে রাত হয় নিকো ভোর—

বল দেখি কী যে কাণ্ড করি !

ডাকাডাকি করে আগালি পল্লী !

কীরো

ওমা, তাই তো গা ! কী জানি কেমন

সারা রাত ধ'রে দেখেছি স্বপন ।

বড়ো কুস্বপ্ন দিয়েছিল বিধি—

স্বপনটা ভেঙে বাচলেম ত্রিদি ।

একটু দাঁড়াও, পদধূলি লর—

তুমি স্বামী, আমি চিরদাসী তব ।

